

IMAQARNILIAQ AIA - Aningaasaqarnermut Inuussutissarsionermullu Ataatsimiititaq 12-12-2023

Ulloq ataatsimiiffissaq Tirsdag 12. december 2023 kl. 15:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluserisassat akuersissutigineqarneri.....	4
Nalunaarutit.....	5
Aaqqissuussaanerup allanngortinneqarnera.....	6
Imigassanik aalakoornartortalinnik akuersissutit pillugit ilisimatitsissut.....	8
Tusarniaassutit pillugit ilisimatitsissut.....	11
2023-mi angerlarsimaffimmi paarsisartunut aaqqiisummik nakkutilliineq pillugu ilisimatitsissut....	13
2023-mi ulluunerani neqeroorutitut nakkutilliineq pillugu ilisimatitsissut.....	18
2023-mi meeqqeriviit imminut pigisut nakkutilliiffigineqarneri pillugu ilisimatitsissut.....	25
ESANI A/S-imut toqqorsivimmik attartortitsinissamut allaffeqarfimmut pisinnaatitsineq.....	28
2024-imut aningaasaliissutinik agguataarineq Nuummi Najukkami Ataatsimiititaliaq.....	31
2024-imut aningaasaliissutinik agguataarineq Ittoqqortoormiini Najukkami Ataatsimiititaliaq.....	34
2024-imut aningaasaliissutinik agguataarineq Paamiuni Najukkami Ataatsimiititaliaq.....	37
2024-imut aningaasaliissutinik agguataarineq Tasiilami Najukkami Ataatsimiititaliaq.....	41
Playmakerprogrammimik pilersitsineq.....	45
Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinerumullu Periu	49
Kommunimut pilersaarummut tapiliussassatut siunnersuut 3E5-6 Nuuk Airport pillugu tamanut tus	53
Kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillug	56
Kommunimut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaas	59
2024-mi Paamiut pillugu tamakkiisumik pilersaarutip inaarutaasumik akuersissutigineqarnera.....	62
Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu an	65
USK-imi ASK-imilu atuarfiit siulersuisuisa Atuarfik Inussummi atuarfiup siulersuisuannut ataatsim	69
Lukket.....	72
Lukket.....	73
Lukket.....	74
Tamalaat.....	75
Imaqarniliap akuerineqarnera.....	77

IMMIKKOORTOQ .: Saqqaa

Ilaasortat

Avaaraq S. Olsen (IA) *siulittaasoq*
Juaaka Lyberth (IA)
Uju Petersen (IA)
Justus Hansen (D)
Dorthe-Marie Mogensen-Fontain (S)
Doris J. Jensen (S)
Peter Davidsen (S)

Beslutning

Ataatsimeeqataasut:

Avaaraq S. Olsen (IA)

Uju Petersen (IA)

Peter Davidsen (S)

Doris J. Jensen (S)

Ataatsimiinneq tusassip attaveqaataatigut ingerlanneqassaaq:

Juaaka Lyberth (IA)

Dorthe-Marie Mogensen- Fontain (S)

IMMIKKOORTOQ .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput.

IMMIKKOORTOQ .: Nalunaarutit

Beslutning

Piffissami 21. novembarimiit – 12 decembarimut

- 24/11: Avatangiisinut Naalackersuisumik Kalistat Lundimik suliniut "Eqqagassat 2024-2025" pillugu ataatsimeeqateqarneq
- 24/11: Unicefip NAKUUSAP Meeqqallu Siunnersoqatigiiffiata aaqqissuussaannik Naalackersuisut siulittaasuat borgmesterillu peqatigalugit resolutionimik tunniussineq.
- 28/11: Rotarymut "Kommuneqarfik Sermersooq siunissami: Inuussutissarsiorneq kommunimillu suleqateqarneq" pillugu saqqummiineq
- 29/11: Katuami arnat assammik arstartartut unamminerannik siullermik takutitsinermik kiisalu Inussivimmi unamminerup aappaanik takutitsinermik aaqqissuussineq ingerlalluartoq
- 30/11: Peqqissutsimut Naalackersuisoq Agathe Fontain peqatigalugu tunngaviusumik aalajangernermik atsiorneq
- 3/12: Sapaassuit siullianni orpimmik ikitsineq
- 4-8/12: Pisortaqatigiit peqatigalugit Danmarkimut isumassarsiorluni angalaneq. Danskit kommunii arlallit isumassarsiorfiginiarlugit automatiseerinngimillu suleriaatsitigut misilittakkani katersiffiginiarlugit tikeraarneqarput
- 7/12: København Kommunemi overborgmesteri Nuup Københavnillu illoqarfittut ikinngutigiittut suleqatigiilernissaat aaqqissuunniarlugu eqqartorniarlugulu ataatsimeeqatigineqarpoq

Allat: Nuummi Aalborgimik Ulloqartitsinissaq pilersaarusiorneqaleruttorpoq, 2024-milu apriliip 23-aniit 25-anut ingerlanneqassallu

IMMIKKOORTOQ 1: Aqqissuussaanerup allangortinneqarnera

Beslutning

Ilisimatitsissut tusaatissatut tiguneqarpoq.

Ilangussat

Susassaqarfiup Kultureqarnermut Immikkoortortaqaqarfiup nuunneqarnissaanik siunnersuut



Aaqqissuussaanerup allangortinneqarnera

Kultureqarnermut Immikkoortortaqaarfiup nuunneqarnera

Ilisimatitsissut

SagsID.: EMN-2023-04721

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Pisortaqatigiit 2023-mi novembarip 7-ianni aalajangerput, Kultureqarimut Aaqqissuussinermullu Immikkoortortaqaarfik 2024-mi januaarip aallaqqaataa aallarnerfigalugu Suliffeqarfimmut Kiffartuussivimmiit Meeqqanut Atuarfeqarnermullu Ingerlatsivimmut nuunneqassasoq.

Nuussinermi immikkoortortami pingaarnertut qitiutinneqartut kulturikkut suliniutit aamma katersugaasiviit ataqatigiinnerulernissaat, suliallu soorlu inuiattut ullorsiorneq aamma politikikkut pisoqartitsisarneq immikkoortortami suliarineqartarnerat attatiinnarneqarluni.

Ingerlatsivimmit aningaasatigut sulisoqarnikkullu naliliinerit

Kultureqarnermut Immikkoortortaqaarfimmut missingersuutit Suliffeqarfimmut Kiffartuussivimmiit Meeqqanut Atuarfeqarnermullu Ingerlatsivimmut nuunneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Piginnaatitaaffinnik agguataarinerimut pilersaarut

Ilanngussat

1. Kultureqarnermut Immikkoortortaqaarfiup nuunneqarnissaanik siunnersuut

IMMIKKOORTOQ 2: Imigassanik aalakoornartortalinnik akuersissutit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Nuummi, Paamiuni, Tasiilami, Ittoqqortoormiini aamma nunaqarfinni imigassanik aalakoornartortalinnik sassaallinissamut akuersissutinik pigisaqartut allattorsimaffiat

Imigassanik aalakoornartortalinnik akuersissutit pillugit ilisimatitsissut

Ilisimatitsissut

SagsID.: EMN-2023-04826

Suliffeqarfimmu Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmu Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumut oqartussaqaarfiit immikkoortortaannut pilersaarut malillugu kommunimi imigassanik aalakoornartortalinnik sassaallisinnaanermut akuersissutiniq pigisallit pillugit Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ukiumoortumik ilisimatitsineq ingerlanneqartassaaq.

Kommuneqarfik Sermersuumi ullumikkut imigassanik aalakoornartortalinnik akuersissutiniq pigisaqartut 97-iupput illoqarfinni imannak agguataarneqarlutik:

Nuuk

32 type A-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq*) taakkunanilu:

- akuersissutit pioreersut pingasut ukiunik pingasunik sivitsorneqarsimapput
- akuersissutit nutaat marluk tunniunneqarsimapput

44 type B-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaaneq*) taakkunanilu:

- akuersissutit pioreersut qulit ukiunik pingasunik sivitsorneqarsimapput
- akuersissutit ataaseq ukiumik ataatsimik sivitsorneqarsimavoq
- akuersissutit nutaat pingasut tunniunneqarsimapput.

1 type E-mik akuersissutit ataaseq

- ulloq 31.12.23 atorunnaartussaq.

Katillugit akuersissutit 77-it (*ukioq kingullermiit 71-miit 77-mut qaffassimapput*).

Paamiut

5 type A-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq*).

2 type B-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaaneq*).

Katillugit akuersissutit 7-it (*ukioq kingullermiit allanngortoqarsimannqilaq*).

Tasiilaq

7 type A-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq*)

- akuersissutit pioreersut arfinillit ukiunik pingasunik sivitsorneqarsimapput.

4 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaaneq).

Katillugit akuersissutit 11 (*ukioq kingullermiit 12-miit 11-nut appararsimapput, siusinnerusukkut akuersissuteqarsimasoq nutaamik qinnuteqarsimanngimmat*).

Ittoqqortoormiit

2 type A-mik akuersissutillit (*imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq*).

Katillugit akuersissutit 2 (*ukioq kingullermiit allanngortoqarsimanngilaq*).

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnavianngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumut oqartussa qarfiit immikkoortortaannut pilersaarut

Ilanngussaq

1. Nuummi, Paamiuni, Tasiilami, Ittoqqortoormiini aamma nunaqarfinni imigassanik aalakoornartortalinnik sassaalliinissamut akuersissutinik pigisaqartut allattorsimaffiat

IMMIKKOORTOQ 3: Tusarniaassutit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Tusarniaassutinik takussutissiaq

Tusarniaassutit pillugit ilisimatitsissut

Ilisimatitsissut

SagsID.: EMN-2023-04840

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersooq ukiut tamaasa tusarniaassutinik arlalinnik tigusaqartarpoq, taakkulu ingerlatsivinnit akisussaasunit akissuteqarfigineqartarput. Suliffeqarfimmut Kiffartuussivimmit matumani suliassamik saqqummiussinermi 2023-mi tusarniaassutit tiguneqarsimasut pillugit takussutisiaq saqqummiunneqarpoq.

Kommuneqarfik Sermersooq 2023-mi maannamut tusarniaassutinik 124-inik tigusaqarpoq. Ilanngussami tusarniaassutit tunniunneqarsimasut takussutissiartaat sukumiisumik paasissutissartalik takuneqarsinnaavoq.

Tusarniaassutit tiguneqarsimasut ukiup affakkuutaarlugit ataatsimut katersorlugit saqqummiunneqartassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartilitt

- o Kommuneqarfik Sermersuumut oqartussaqaarfiit immikkoortortaannut pilersaarut

Ilanngussat

1. Tusarniaassutinik takussutissiaq

IMMIKKOORTOQ 4: 2023-mi angerlarsimaffimmi paarsisartunut aaqqiissummik nakkutillineq pillugu ilisimatitsissut

Beslutning

Ilisimatitsissut tusaatissatut tiguneqarpoq.



2023-mi angerlarsimaffimmi paarsisartunut aaqqiissummik nakkutillineq pillugu ilisimatitsissut

Kommuneqarfik Sermersuumi angerlarsimaffimmi paarsisartunut aaqqiissutaasut tallimat nakkutilliivigineqarneri

Ilisimatitsissut

SagsID.: EMN-2023-04346

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut, Ilaqutariinnut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- angerlarsimaffimmi paarsisartunut aaqqiissutaasut nakkutilliivigineqarneri pillugit ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Kommuneqarfik Sermersuumi kommunip ulluunerani neqeroorutigisartagaasa saniatigut angerlarsimaffimmi paarsisartunut aaqqiissuteqarpoq. Angerlarsimaffimmi paarsisarneq meeqqanut ukioqanngitsuniit arfinilinnut ukiulinnut neqeroorutaavoq. Angerlarsimaffimmi paarsisarfinni tallimaasuni ingerlatsivimmiit nakkutilliartortoqarpoq:

- Arsusuk, meeqqat marluk sulisorlu ataaseq
- Kapisillit, meeqqat marluk sulisorlu ataaseq
- Qeqertarsuatsiaat, meeqqat 16-it sulisullu sisamat
- Kulusuk, meeqqat 12-it sulisullu pingasut
- Isertoq, meeqqat sisamat sulisorlu ataaseq (pedeli ataaseq 1 tiimi sulisartog)
- Tiilerilaaq, meeqqat arfinillit sulisullu marluk (pedeli ataaseq 1 tiimi sulisartog)
- Sermiligaaq, meeqqat qulingiluat sulisullu pingasut (pedeli ataaseq 1 tiimi sulisartog)
- Kuummiit, meeqqat 14-it sulisullu sisamat (pedeli ataaseq 1 tiimi sulisartog)

2023-mi marsimiit apriliimut angerlarsimaffimmi paarsisartut ingerlatsivimmiit nakkutilliiffigineqarput. Matumani nakkutilliinermiit nalinginnaasumik maluginiakkat tamanut atuuttut erseqqissaatigineqarput suullu ingerlatsivimmiit malitseqartinneqarnersut:

1. Perorsaanikkut sulineq
2. Meeqqat
3. Sulisoqarneq
4. Angajoqqaanik suleqateqarneq
5. Isumannaassuseq
6. Peqqinnissaq

Imm. 1 perorsaanikkut sulineq

Inatsisartut inatsisaat nr. 16, 3. december 2012-imeersumi § 16, imm. 2 naapertorlugu perorsaanikkut sulineq pillugu angerlarsimaffimmi paarsisartut tamarmik perorsaanermut ukiumoortumik pilersaarusiussapput. Ukiumut pilersaarut assigiinngitsunik qulequtaqartarpoq, sammisassaqaartitsinerillu nalinginnaasumik ukiup qanoq ilinera malillugu pilersaarusioneqartarlutik. Ukiumoortumik pilersaarut novembarip aallaqqaataani tunniunneqassaaq, perorsaanikkullu siunnersortinit pitsaassutsikkut qulakkeerneqassalluni.



Ukiumoortumik pilersaarutit angerlarsimaffimmi paarsisartunut aqutsisup aamma perorsaanikkut siunnersortaasut akornanni ataatsimiinnermi aamma qaammatit pingasukkaarlugit pulaartarnerni kiisalu nakkutilliartornerni qaqqinneqartuaannarput.

Inatsisartut inatsisaanni § 2 naapertorlugu angerlarsimaffinni paarsisartut sisamaasut ulluunerani neqeroorutit atorlugit siunertaq tunngavigalugu sulisarput, ilaatigut tassani Tunngaviit arfineq-marluk aallaavigineqarlutik. Perorsaanikkut sammisassat pilersaarusiornissaannut perorsaanikkut tunngaviit aallaavigalugit angerlarsimaffinni paarsisartut perorsaanikkut suliaqarnerminni tunngavittut atortaraat erseqqippoq. Angerlarsimaffimmi paarsisartoqarpoq tunngavinnik suli ilisimaarinninngitsunik.

Angerlarsimaffimmi paarsisartut tamarmiullutik *Kammagiitta* ulluinnarni najoqqutassat atortarpaat sapinngisamillu *perorsaanertalimmik timersortitsineq*.

Imm. 2 Meeqqat

Inatsisartut inatsisaanni § 2, imm. 2 Kommuneqarfik Sermersuullu Ulluunerani neqeroorutitut immikkoortumut pilersaarutaa 2022-2030 naapertorlugit suliniut, meeqqat ajornaquteqanngitsumik ikaarsaariartinneqartarnissaat, angerlarsimaffimmi paarsisartunit meeqqat mappiat meeqqamut malinnaatinneqartoq, atorneqartarpoq. Angerlarsimaffimmi paarsisartunit tamanit misissueriaaseq MIIM3 - 5 meeqqat misissorneqartarnerinut atorneqartartoq atorneqartarpoq. Nunaqarfimmi angerlarsimaffimmi paarsisartut misissuineri GetOrganized-ikkut toqqortarnissaannut periarfissaqanngillat, nunaqarfimmi internetimut atassuteqarniarneq killeqarnera illumiluunniit Wi-Fi-mut ikkuffeqannginnera pissutigalugu.

Angerlarsimaffimmi paarsisartut sisamat meeqqanut angisuunut arlalikkaartunut atualernissamut piareersaatit sammisaqartitsisarput. Angerlarsimaffimmi paarsisartut pingasut atuarfimmuut pulaartitsisarput atuarfik suleqatigalugu. Angerlarsimaffimmi paarsisartup ataatsip atuarfik suleqatigineq ajorpaa, aatsaallu atuarfimmuut kissaateqartoqarnerani aqutsisumiillu peqqusisoqarnerani suleqatigiinneq aallartinneqarpoq. Angerlarsimaffimmi paarsisartoq kingulleq suli atualersussanik meeraateqalinngilaq, taamaattumik atuarfimmuut piareersaatit sammisaqartitsineq ajorlunilu suleqateqarneq ajorpoq.

Angerlarsimaffimmi paarsisartoq ataaseq meeqqanut pinnguartarfittaqaanngilaq.

Nakkutilliineq marsimi apriliimilu pimmat paasineqarpoq angerlarsimaffimmi paarsisartut pingasut amerlavallaartunik meeraateqartut. Tamanna nunaqarfimmi neqeroorutaasumiit angerlarsimaffimmi paarsisartumut ikaarsaarnermik 1. septembarimi 2023-mi pisumit peqquteqarpoq. Nunaqarfimmi neqeroorummi amerlassutsit angerlarsimaffimmi paarsisartumit amerlanerusimapput. Angerlarsimaffimmi paarsisartuni sulisoq ataaseq sisamanik meeraateqarsinnaavoq. Kingorna amerlassutsit nalimmassarneqarput angerlarsimaffimmilu paarsisartut amerlassutsinut tunngatillugu malinnaaleqqillutik.

Imm. 3 Sulisoqarneq

Meeqqanik innarliisimanginnermut uppersaasatit tamatigut qulakkeerneqartarput. Angerlarsimaffimmi paarsisartut marluk meeqqanik innarliisimanginnermut uppersaasatit pissarsiarinissaannut sivisuallaamik utaqqinertik puullaqqissutigaat. Meeqqanik innarliisimanginnermut uppersaasatit tamatigut pingaarnepaatinneqartartut ingerlatsiviup tungaaniit erseqqissaatigineqarpoq.

Angerlarsimaffimmi paarsisartoq ataaseq MUS-imik oqaloqatiginnereersimavoq, ataatsillu nakkutilliartoreernerup kingorna MUS-imik oqaloqatiginninnissani pilersaarutigaa.



Angerlarsimaffimmi paarsisartut tamakkerlutik kommunimi pikkorissaasarnernut peqataanissamut soqutiginnipput, pingaartumik meeqqat ineriartornerannut tunngasunik.

Angerlarsimaffimmi paarsisartut ilaasa ullormut akunneq ataaseq atorlugu nikerarsinnaasumik pedepeqartarnissamik periarfissaq atortarpaat pisariaqartitsineq naapertorlugu suliaqartartoq.

Imm. 4 Angajoqqaanik suleqateqarneq

Inatsisartut inatsisaat § 21, imm. 1 naapertorlugu atuisut ataatsimiitittarnissaannut ukiumut ikinnerpaamik pingasoriarluni aqutsisoq ataatsimiigiaqqusisassaaq. Angerlarsimaffimmi paarsisartut marluk ataatsimiititseresimapput.

Angerlarsimaffimmi paarsisartuq ataaseq ataasiinnarnik angajoqqaajuteqarpoq taamaattumik atuisunik ataatsimiigiaqqusisarnissaq ataatsimiititaliaagallartussanillu pisariaqartitsinngilaq. Angerlarsimaffimmi paarsisartuq alla atuisunut ataatsimiittarfissamik amigaateqarpoq taamaattumillu suli aggersaanikuunani. Angerlarsimaffimmi paarsisartuq kingulleq suli ataatsimiigiaqqusisimangilaq.

Angerlarsimaffimmi paarsisartut tamarmik angajoqqaanik ataatsimiititsisarput angajoqqaanillu suleqateqarluarlutik pisariaqartitsinerlu naapertorlugu angajoqqaanik oqaloqateqarneq ingerlanneqartarluni.

Ingerlatsiviup kaammattuutigivaa atuisut ataatsimiittarnissaat ataatsimiititaliaagallartussanillu pilersitsisoqassasoq erseqqissaatigalugulu, angajoqqaanik suleqateqarneq meeqqerivinni tamani pingaarnerpaajutinneqassasoq, tassami meeqqat ingerlluartut pilersinnissaannut suleqatigiilluartoqarnissaa pingaaruteqarluinnartuummat.

Imm. 5 Isumannaallisaaneq

Angerlarsimaffimmi paarsisartup ataasiinnaalluunniit isumannaallisaanermut sinniisussamik, SIK-mi sinniisussamik imaluunniit NPK-mi sinniisussamik taasinikuunngilaq.

Imm. 6 Peqqissuuneq

Angerlarsimaffimmi paarsisartut tamarmik eqqiluisaarnermut asaanermullu periaasigissaarput. Meeqqat sapigallit kiisalu nerisassiortarneq nikerartunik sukkukitsunillu akuttunngitsumilu kalaalimerngit tamanit eqqummaariffiqeqlarput. Kommunimi nerisaqarnermut politikkitimi malittarisassat angerlarsimaffimmi paarsisartunut marlunnet ingerlatsivimmiit piumaffiqeqlarput malinneqassasut nerisaqarnermullu pilersaarutit nassinneqarlutik. Ingerlatsiviup nerisaqarnermut politikki malitseqartikkumaarpaa.

Angerlarsimaffimmi paarsisartut marluusut imermik kuuginnartoqannginnertik ajornartorsiutigaat. Ingerlatsivimmiit innersuussutigineqarpoq Sanarfinermut Avatangiisinullu Ingerlatsivimmiittoq "Institution" attavigissagaat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq



Siusinnerusukkut aalajangiinerit

Meeqqanut, Ilaqtariinnut Atuarfeqarnermullu Ataatsimiititaq 30.11.23:

Ilisimatitsissut tusaatissatut tiguneqarpoq

Ilanngussat

1. Arsuq Angerlarsimaffimmi paarsisartooq
2. Kapisillit Angerlarsimaffimmi paarsisartooq
3. Kulusuk Angerlarsimaffimmi paarsivik
4. Qeqertarsuatsiaat Angerlarsimaffimmi paarsivik
5. Tasilami Nunaqarfiit meeqqat ornittagaat

IMMIKKOORTOQ 5: 2023-mi ulluunerani neqeroorutitut nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Amaut

Annersuaq

Meeqqat

Nukariit

Paarsisoq

Sikkersoq

Timmiaaqqat

Tikiusaaq

Muku

Apisseq

Puiaq

Soralu

Umiaq

Qivioq

Nuka

Uiloq

Ungaavaraq

Maligiaq

Meeraq

Amaagajaaq

Dr. Ingrid

Mike

Paarsisor

Mikisoq

Pingajeqqad

Paannaat

2023-mi ulluunerani neqeroorutitut nakkutilliineq pillugu ilisimatitsissut

Kommuneqarfik Sermersuumi kommunip meeraaqqeriviinik, meeqqeriviinik, akuleriinnullu meeqqeriviinik tamanik nakkutilliineq

Ilisimatitsissut

SagsID.: EMN-2023-04166

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfimmullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

- angerlarsimaffimmi paarsisartunut aaqqiissutaasut nakkutilliivigineqarneri pillugit ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Kommuneqarfik Sermersooq meeqqanut suli atualinngitsunut perorsaanikkut inerikkiartuutaasunik ulluunerani arlalinnik neqerooruteqarpoq. Suliassamik saqqummiussissummi matumani ulluunerani neqeroorutit 26-t pineqarput, imatut taaguutillit:

Meeraaqqerivik (0 – 2-nut ukiulinnut): Amaut, Paannaat, Uiloq, Ungaavaraq, Amaagajaaq, Meeraq

Meeqqeriviit (3 - 6-inut ukiulinnut): Nuka, Dr. Ingridip meeqqerivia, Mike

Akuleriinnut meeqqeriviit (0 - 6-inut ukiulinnut): Annersuaq, Meeqqat, Nukariit, Paarsisoq, Sikkersooq, Timmiaaqqat, Tikiusaaq, Muku, Apisseq, Puaiaq, Soralu, Umiaq, Qivioq, Maligiaq, Paarsisor, Mikisoq kiisalu Pingajeqqad

2023-mi februaarimiit maajimut ulluunerani neqeroorutit ingerlatsivimmiit nakkutilliiffigineqarput.

Matumani nakkutilliinermiit nalinginnaasumik maluginiakkat tamanut atuuttut erseqqissaatigineqarput suullu ingerlatsivimmiit malitseqartinneqarniarnersut:

1. Perorsaanikkut suliaqarneq
2. Meeqqat
3. Sulisoqarneq
4. Angajoqqaanik suleqateqarneq
5. Isumannaassuseq
6. Peqqinnissaq

Imm. 1 perorsaanikkut suliaqarneq

Inatsisartut inatsisaat nr. 16, 3. december 2012-imeersumi § 16, imm. 2 naapertorlugu perorsaanikkut suliaqarneq pillugu meeqqeriviit tamarmik perorsaanikkut ukiumoortumik pilersaarusiussapput, aamma assigiinngitsut qulequtaralugit ukiumut pilersaarusiussallutik. Ukiumoortumik pilersaarut novembarip aallaqqaataani tunniunneqassaaq, perorsaanikkullu siunnersortinit pitsaassutsikkut qulakkeerneqassalluni. Ukiumoortumik pilersaarutit tamatigut pisortat ataatsimiinnerini eqqartorneqartarput aammalu qaammatit pingasukkaarlugit meeqqerivinnut pulaarnerni kiisalu nakkutilliilluni takkunnerni.

Ukiumoortumik pilersaarut malillugu meeqqeriviit tamarmik sammisassanik pilersaarusiortarput. Sulisunik amigaateqartoqartillugu meeqqeriviit ilaasa sammisassat naammassiniarnissaat ajornakusoortittarpaat, sulisut aalajangersimasut taartaasunit taarserneqartillugit.

Tamatuma saniatigut ingerlatsivimmi anguniagarineqartut aallaavigalugit meeqqerivimmut ilisarnaatit takorluukkat anguniakkallu erseqqissut meeqqerivinni tamaniipput.

Inatsisartut inatsisaanni § 2 naapertorlugu meeqqeriviit tamarmik ulluunerani neqeroorutit siunertaa tunngavigalugu sulisassapput, ilaatigut tassani *Tunngaviit arfineq-marluk* aallaavigineqarlutik. Tunngaviit perorsaanerlu akuersaartoq perorsaariaatsimut tunngaviupput, matumanilu meeqqeriviit perorsaanikkut sammisassat pilersaarusiornerinut aallaavigisarpaat.

Meeqqerivinnitaaq tamani *Kammagiitta* ulluinnarni atugarisarpaat. Pimmatiginnittarnerup ilisimatusarfigineqarnera pillugu paasisat nutaanerpaat atorlugit pisortat tamarmik 2023-mi pikkorissarnikuupput.

Perorsaanertalimmik timersorneq meeqqerivinnit pingasunit atorneqanngilaq *Kulturimullu isummersorfik* meeqqerivinnit marlussunnit atorneqalerpoq.

Immikkoortortami qaammat allortarlugu meeqqerivinnik tamanik immikkut sammisaqartitsisoqartarpoq taakkunanilu qulequttat meeqqerivinnut tulluartinneqartut qaqqinneqartarlutik.

Imm. 2 Meeqqat

Inatsisartut inatsisaat § 5, imm. 6 naapertorlugu meeqqerivinni tamani meeqqanik misissuisarnermut atatillugu misissuinermi sakkussat atorneqartassapput. Meeqqerivinni tamani marluk minillugit misissuisarnermi sakkussat MIIM3 – 5 atorneqartarput. Meeqqeriviit marluusut aappaata MIIM3 atortarpaa, sulili MIIM5 atulernagu. Meeqqerivimmi pineqartumi misissuisarnermi sakkussat sapinngisamik sukkanerpaamik atugarineqalissapput. Meeqqeriviup aappaani MIIM5 suli atuutsinneqalinngilaq misissuisarnermilu atortussat sulisunut ilitsersuutigineqaleriapata sulisunit atorneqartalissapput.

Inatsisartut inatsisaanni § 5, imm. 5 aamma Kommuneqarfik Sermersuumi Ulluunerani neqeroorutinut immikkoortumut pilersaarutaa 2022-2030 naapertorlugit suliniummut ikaarsaariarneq pitsaasumut meeqqerivinni tamani meeqqat mappiat meeqqamut malinnaatinneqartarpoq. Meeqqeriviit tamarmik angerlarsimaffimmiit meeraaqqerivimmut aammalu meeraaqqerivimmiit meeqqerivimmut ikaarsaariarnernut periuseqarput. Matumani ilaatigut pineqarput pulaarneq, quppersakkat qorfimmik atuinermut sungiusartarneq periutsit ilaanniipput. Meeqqat arlallit ataatsikkut aallartittussaatilugit meeqqerivinnut unammillernarsinnaasarpaq.

Meeqqeriviit atualertussanik meerartallit atualernissamut piareersaatinik sammisaqartarput, ilaatigut nammineq atertik allannissaa ilinniartarlugu taquartarlutillu. Meeqqeriviit aqqanillit atuarfimmut pulaartitsisarnikkut atuarfinnik suleqateqartarput. Meeqqeriviit sinnerini pulaarnissaq angajoqqaat namminneq isumagisassarivaat. Tassa imaappoq meeqqeriviit affai ataallugit atuarfimmik suleqateqartarneq ingerlatarivaat.

Meeqqeriviit sisamat AKO-mut ikaarsaarnissaq suleqateqarnissarlu toqqaannartumik ingerlattarpaat. Meeqqeriviit arfineq-pingasut meeqqat AKO-miilernissaannut tunngasunik suleqatigiissuteqanngillat. Meeqqeriviit AKO-llu akornanni suleqateqartarnermut tunngatillugu meeqqeriviit sinnerinit allaaserinnittoqaranilu akissuteqartoqanngilaq.

Ikaarsaariarnernut pitsaasunut pilersitsiniarnermut tunngatillugu, meeqqerivinnik, AKO-nik atuarfinnillu suleqatigiinneq ingerlatsivimmiit tapersorsorneqarpoq, tassa meeqqeriviit, AKO-t atuarfiullu akornanni suleqatigiinnerunissaq ukkataralugu. Taamaattumik meeqqeriviit, atuarfiit AKO-llu akornanni suleqatigiinnissamut ingerlatsivimmiit najoqqutassaliortoqarpoq.



Imm. 3 Sulisoqarneq

Meeqqueriviit sulisunik atorfinitsitsinnginnerminni tamatigut meeqqanik innarliisimanginnermut uppenarsaatiniq pissarseqqaartartussaapput. Meeqqueriviit akissutisinissamut siviisuumik utaqqisarneq erloqinarnerarlugu oqaatigaat. Meeqqanik innarliisimanginnermut uppenarsaatit tamatigut pingaarnerpaatinneqartartut ingerlatsiviup tungaaniit erseqqissaatigineqarpoq.

Meeqquerivinni kommunip pujortartarneq pillugu politikkaa malinneqarpoq, tassami sulisut silami aamma unillatsiarfinni taamaallaat pujortartarput. Meeqquerivinni ataasiakkaani illumit takuneqarsinnaasumik pujortartoqartarpoq. Ingerlatsivimmiit uparuaasoqarpoq sulisut sapinngisamik ungasissumukartassasut taamaalillutik meeqqerivimmiit meeqqanik takuneqarsinnaajunnaarlutik.

2023-mi februaarimiit maajimut nakkutilliinermi meeqqerivinni qulini sulisunut MUS-imik oqaloqatiginninnerit ingerlanneqareersimapput. Ukioq naatinagu oqaloqatiginninnerit kingulliit naammassineqassasut ingerlatsivimmiit kaammattuutigineqarpoq.

Isumassuilluni oqaloqatiginnittarnerit pisariaqartitsineq naapertorlugu ingerlanneqartarput, napparsimalluni suliarunngitsoortarnerit aamma oqaloqatiginninnikkut pisariaqartitsineq naapertorlugu meeqqerivinniit malitseqartinneqartarput. Meeqqerivinni tamani sulisunik nalunaarsuisarneq ingerlanneqartarpoq.

Sulisussarsiortarneq sulisunillu attassiniartarneq ingerlatsivimmi suliassaavoq annertoq ulluuneranilu neqeroorutitut immikkoortumut pilersaarummi pingaartinneqartoq. Meeqqerivimmi sulisut tunniusimasuupput. Tamaat isigalugu sulisunik amigaateqarput, pingaartumik ilinniarsimasunik, tamatumalu nassatarisinnavaai suliffimmi atugassarititaasut allanngorakkajuttut taartaasartullu sulinngitsuukulasut amerlasuut. Taamaattumik meeqqat ataavartumik ineriartorneranni inerikkiartuutaasumillu perorsaanikkut sammisaqartitsisarnissat sulisunit aalaakkaasunit ingerlakkuminaatsinneqarsinnaapput.

”Flyverpædagog-nik atorfinitsitsisarnermik aaqjissuussineq” ingerlatsivimmiit aallartisarneqarpoq, taakkua iluaqutigalugit meeqqat sammisassanik perorsaataasunik sammisaqartinneqartarnissaat qulakkeerneqassalluni sulisullu aalajangersimasumik atorfillit oqilisaanneqassallutik. Suli flyverpædagog-imik atorfinitsitsisoqanngilaq. Sulisunik taama ittunik atorfinitsitsiniarnermi ajornartorsiuteqarneq atorfimmuut sulisunik inissaqartitsisoqartannginneranik, sapaatip akunnerani 30 tiiminik sulisarnermik pissuteqartinneqarpoq, taamaalillunimi nalinginnaasumik perorsaasutut sulinermit aningaasarsiat appasinnerullutik. Flyverpædagog-itut atorfiup imarisaasa atugassarititaasalu pilerinarsarneqarnissaat ingerlatsivimmiit sulissutigineqarpoq matumani meeqqeriviit amerlanerit iluaqutiginiassammassuk.

Meeqqerivinnit tamanit pikkorissarnissat ilinniartitaanerillu noqqaassutigineqarput. Pingaartumik tunngaviisumik perorsaanermut meeqqanullu isiginnittariaatsimut tunngasunik, kisianni aamma Kammagiitta, MIIM, GetOrganized aammalu meeqqanut immikkut pisariaqartitsisunut tunngasunik. Pikkorissarnermut ataatsimiititaliamit 2023-mi ilinniarsimangitsut pikkorissartinneqarnissaat ilinniartitaanissaallu ukkatarineqarput assersuutigalugu PKU-mi pikkorissarnerit, 2024-mi ilinniarsimasut ukkatarineqassapput. Pikkorissarnermut ataatsimiititaliaq 2024-mi meeqqerivinnut pikkorissarnissanik assigiinngitsunik neqerooruteqassaaq meeqqeriviillu kissaataat pisariaqartitaallu aallaavigalugit pikkorissarnissanut aningaasanik pingaarnersiuissalluni.

Meeqqerivinni sulisut ilinniarsimangitsut piukkunnarsarneqarnissaat meeqqerivinniit kissaatigineqarpoq. Sulisut 25-t ulluunerani neqeroorutini sulisutut ilinniakkamik aallartitsipput



taakkunanngalu 18-it 2023-mi oktobarip qaammataani soraarummeerutigisaminnik ilinniartitaaneq tamaat naammassillugu.

Imm. 4 Angajoqqaanik suleqateqarneq

Inatsisartut inatsisaat § 21, imm. 1 naapertorlugu pisortap atuisut ataatsimoorfiat ukiumut minnerpaamik pingasoriarluni ataatsimiigiaqqusassavaa. Meeqquerivinni marlunni suli atuisut ataatsimoorfii ataatsimiinngillat. Tamannali taakkuninnga sapinngisamik piaartumik aallartinniarnearpoq. Meeqquerivinni ataasiakkaani atuisunik ataatsimoortitsisarnermi takkuttut amerlanngitsut misigineqartarput. Ulluinnarni meeqqat aggiunnerini aaneqarnerinilu attaveqarnerup saniatigut atuisut ataatsimoortinneqartarneri angajoqqaanik toqqaannartumik suleqateqarnermi atorneqarnerpaajusarpoq. Tamatuma saniatigut meeqquerivinni tamani angajoqqaanik ataatsimiititsisoqartarpoq aamma meeqqat ataasiakkaat pisariaqartitaat naapertorlugit angajoqqaanik ataavartumik oqaloqatiginnittoqartarpoq.

Ataatsimiititaliaagallartunik pilersitsineq aamma periusiuvoq meeqquerivinni angajoqqaanik ulluinnarni peqataatitsinerusoq. Meeqquerivinni qulini nakkutilliinerup ingerlanneqarnerani ataatsimiititaliaagallartunik pilersitsisoqarsimanngilaq. Tamatumunnga tunngavilersuutaavoq, meeqquerivimmiit pingaarnerpaatinneqarsimanngimmat angajoqqaallu tungaanniit peqataajumasogarpiarneq ajormat.

Ingerlatsiviup kaammattuutigivaa ataatsimiititaliaagallartunik pilersitsisoqassasoq erseqqissaatigalugulu, angajoqqaanik suleqateqarneq meeqquerivinni tamani piingaarnerpaajutinneqassasoq, tassami meeqqat ingerlalluartut pilersinnissaannut suleqatigiilluartaqarnissaa pingaaruteqarluinnartuummat.

Imm. 5 isumannaassuseq

Meeqquerivinni marlunni nakkutilliinerup nalaani sulisut isumannaallisaanermut sinniisuutitaqanngillat kingornali peqalersimallutik. Meeqqueriviit marluk SIK-mut sinniisuutitaqanngillat, taavalu meeqqueriviit arfineq-marluk NPK-mut sinniisuutitaqarlutik. Ukiuni kingullerni pingasuni meeqquerivinni tamani sullivinnik nalilersuinerup (APV) immersuisimapput.

Meeqqueriviit marluk Sullivinnik Nakkutilliisoqarfimmiit pulaarneqarsimapput. Meeqquerivippaaluit pinnguartarfii illutaallu nakkutilliivigineqarsimanngillat. Meeqqueriviit ilaanni sulisut angajoqqaallu meeqqueriviit illutai pinnguartarfiillu pillugit naammagittaalliuuteqarput, assersuutigalugu pinnguartarfiit aserfallatsaaliorneqarsimanatillu ukiorpaalunni nutarsarneqarsimanngitsut. Nakkutilliinerup pinnguartarfiit ingerlatsivimmiit malitseqartinneqassapput.

Meeqqueriviit affai Qatserisartunit misissuiffigineqariartorsimapput. Sumiiffinni arlalinni aput pequtillu isaarissanut qimaaffissianullu assiusartut pillugit ajornartorsiuteqarsimapput. Tamanna meeqquerivinnit aaqpinneqareerpoq.

Imm. 6 Peggissuuneq

Meeqqueriviit tamarmik eqqiluisaarnermut asaanermullu tunngasunik periaasigissaarput. Meeqquerivinni arfineq-pingasuni nerisaqarnermut namminerlu misissuisarnermut nalunaarsuinerup ajornartorsiuteqarput. Meeqquerivinni inuussutissanik nakkutilliinerit, nakkutilliinerit eqqiluisaartarnerillu nalunaarusiortarnissaannut pilersaarusiortoqartarnissaa ingerlatsivimmiit uparuarneqarpoq. Nerisat peqqinnartut nikerartullu kiisalu nammineq misissuisarnissap pingaaruteqassusaa ukkataralugu igaffimmi sulisut qaammatit pingasukkaarlugit ingerlatsivimmiit naapinneqartarput.



Meeqqanut Atuarfeqarnermullu Ingerlatsivimmi Ineriartortitsinermut, Peqqinnermik Siuarsaaneq Pitsaaliuinerimullu Immikkoortortamiit assersuutigalugu meeqqat aamma kinguaassiuutit pillugit meeqqeriviliartoqartarpoq saqqummiiartorlutik.

Meeqqat sapigallit kiisalu nerisassat nikerartussaasut sukkukitsut kalaalimernillu meeqqerivinnit eqqummaariffiqeqarput kommunimilu nerisaqarnermut politikkaa malinneqarluni. Meeqqerivinni sisamani igaffimmi sulisunut pikkorissarfigisinnaasanik apeqquteqarput. Kissaatigineqartut tamakkua pikkorissarnermut ataatsimiititaliami eqqartorneqassapput, 2024-mi pikkorissarnissat pilersaarusionerqarnerinut atatillugu.

Meeqqerivimmi ataatsimi oquk ajornartorsiutigineqarpoq. Matumani igaffik iluarsaanneqarsimavoq meeqqeriviullu illutaata sinnerani peqqissutsikkut ajornartorsiutaasut iluarsineqarnissaat utaqqimaarneqarpoq. Misissueqqittoqarnissaa eqqarsaatigalugu meeqqerivimmiittut ingerlatsivimmiittunit oqaloqatigineqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq

Siusinnerusukkut aalajangiinerit

Meeqqanut Ilaqautariinnut Atuarfeqarnermullu Ataatsimiititaq 30.11.23:

Ilisimatitsissut tsaatissatit tiguneqarpoq.

Ilanngussat

1. Amaut
2. Annersuaq
3. Meeqqat
4. Nukariit
5. Paarsisoq
6. Sikkersaq
7. Timmiaaqqat
8. Tikiusaaq
9. Muku
10. Apisseq
11. Puiaq
12. Soralu
13. Umiaq
14. Qivioq
15. Nuka
16. Uiloq
17. Ungaavaraq
18. Maligiaq
19. Meeraq
20. Amaagajaaq
21. Dr. Ingrid
22. Mike



- 23. Paarsisor
- 24. Mikisoq
- 25. Pingajeqqad
- 26. Paannaat

IMMIKKOORTOQ 6: 2023-mi meeqqeriviit imminut pigisut nakkutilliiffiqarneq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Mikisoq (Imminut pigisoq)

Esther Børnehave

Sulunguit



2023-mi meeqqeriviit imminut pigisut nakkutilliiffigineqarneri pillugu ilisimatitsissut

Meeqqerivinnik imminut pigisunik nakkutilliineq, ukuusut Meeqqerivik Mikisoq, Meeqqerivik Sulunnguit aamma Esther Børnehave

Ilisimatitsissut

SagsID.: EMN-2023-04348

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut, Ilaqutariinnut Atuarfeqarnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- angerlarsimaffimmi paarsisartunut aaqqiissutaasut nakkutilliivigineqarneri pillugit ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai.

Kommunip ulluunerani neqeroorutaasa saniatigut meeqqeriviit imminut pigisut pingasuupput taakkulu Nuummiipput; meeqqeriviit marluk akuleriinnullu meeqqerivik. Taakku Kommunalbestyrelsimut akuerisaapput kommunimiillu ingerlatsinermut tapiissutisarlutik.

Meeqqeriviit imminut pigisut tassaapput:

- Esther Børnehave (3 - 6-inut ukiullit), 21-nik meeraatilik tallimanillu sulisulik.
- Meeqqerivik Sulunnguit (3 - 6-inut ukiullit), 20-nik meeraatilik sisamanillu sulisulik.
- Meeqqerivik Mikisoq (0 - 6-inut ukiullit) 35-nik meeraatilik aqqanilinnillu sulisulik (taakkunanga marluk amerlassusissaasa saniatigut vikariupput)

Meeqqerivinnik imminut pigisunik nakkutilliineq kommunimi Meeqqanut Atuarfeqarnermullu Ingerlatsivimmi perorsaanikkut siunnersortinit suliarineqartarpoq. 2023-mi marsimiit maajip tungaanut meeqqeriviit tamarmik nakkutilliivigineqarput. Kingorna nakkutilliinermut nalunaarusiat aqutsisunut nassiunneqarput. Ataani erseqqissaatigineqarput nakkutilliinernit ataatsimut isiginninnerit aammalu ingerlatsiviup suut immikkut malitseqartiffigerusunnerai.

1. Perorsaanermik suliaqarneq
2. Meeqqat
3. Sulisoqarneq
4. Angajoqqaanik suleqateqarneq

Imm. 1-imut Perorsaanermik suliaqarneq

Meeqqeriviit ukiumut pilersaaruteqartarput ukiullu qanoq ilinera nalinginnaasumik sammisassaqtitsinikkut ingerlatsivigisarlugu. Meeqqeriviit tamarmik silamiittarnermik, kulturimik, timimik aalanermillu pingaartitaqarlutik ingerlatsippat. Taakku tamarmik akuersaartumik perorsariaaseqarneq aallaavigalugu sulippat. Tamani perorsaanermi Tunngaviit 7-it aamma Kammagiitta tunngavigalugit sulisoqarpoq kiisalu meeqqerivinni marlunni Perorsaanerq timersornertalik ingerlanneqarpoq.

Immikkut sammisaqarluni ataatsimut ulloqartarnermi meeqqeriviit aggersarneqartarput, tamanna qaammat allortarlugu pisarpoq, Kommuneqarfik Sermersuumi kommunip ulluunerani neqeroorutaaniittut aamma Meeqqanut Atuarfeqarnermullu ingerlatsivik peqatigalugit.



Imm. 2-mut Meeqqat

Meeqqanik misissuineri MIIM3-5/UBUS, Tras og RABU atorneqartarput. Meeqquerivimmi ataatsimi TRAS aamma RABU taamaallaat atorneqarput MIIM3-5/UBUS ilisimaarineqanngimmata. Meeqqat mappiat meeqqerivinni tamani atorneqarpoq meeqqerivimmiit nuunnerup pisariitsumik ingerlanissaanut.

Tamarmik MISI-mik suleqateqarput sunillu neqerooruteqartuusartut ilisimasaqarfigalugu. Meeqqerivinni tamani atualernissamut piareersaataasunik suliaqartoqartarpoq aamma atuarfiit pulaarneqartarput. Meeqqeriviit marluk Nuuk Internationale Friskolemik (NIF) suleqateqarput, pingajuallu ASK aamma sunngiffimmi ornittakkamik Illumik suleqateqarluni.

Ingerlatsiviup ilisimatitsissutigivaa, Inatsisartut inatsisaat nr. 16, 3. december 2012-imeersumi § 5, imm. 6 naapertorlugu misissuineri atortussat atortussaataammata, aamma meeqqerivinni imminut pigisuni. Ingerlatsivimmi innersuussutigineqarpoq meeqqeriviit imminut pigisut MIIM3-5 atortassagaat.

Imm. 3-mut Sulisoqarneq

Meeqqanik innarliisimanginnermut uppersaataat tamatigut qulakkeerneqartarput. Meeqqerivinni tamani sulisut aalajaatsupput. Meeqqerivinni marlunni MUS atorlugu oqaloqatigiinnerit ingerlanneqartarput. Meeqqerivimmi ataatsimi sulisunik ulluinnarni atugarissaarnermut tunngasunik oqaloqatiginnikulasoqartarpoq.

Meeqqeriviit tamarmik kommunip sulisuminik pikkorissaaneritut peqataatitsinissaq soqutigivaat.

Imm. 4-mut Angajoqqaanik suleqateqarneq

Meeqqeriviit tamarmik siulersuisoqarput taakkulu ulluunerani neqeroorummut siunnerfiliisarput. Qaammatit pingasukkaarlugit ataatsimiittarput. Tamarmik angajoqqaanik qanimut suleqateqarput tamarmillu atuisunik ataatsimiititsisarneq ingerlappaat kiisalu angajoqqaanik ataatsimeeqatiginnittarnerit oqaloqatiginnittarnerillu ingerlaavartumik ingerlattarpaat.

Ingerlatsivimmi aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmi aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq.

Siusinnerusukkat aalajangiinerit

Meeqqanut, Ilaqutariinnut Atuarfeqarnermullu Ataatsimiititaq 30.11.23:

Ilisimatitsissut tusaatissatut tiguneqarpoq.

Ilanngussat

1. Mikisoq (Imminut pigisoq)
2. Esther Børnehav
3. Sulunnguit

IMMIKKOORTOQ 7: ESANI A/S-imut toqqorsivimmik attartortitsinissamut allaffeqarfimmut pisinnaatitsineq

Beslutning

Inassuteqaat akuersissutigineqarpoq ima ilassuteqaatitalerlugu: Aningaasaqarnermut Inuussutissarsiornermullu Ataatsimmiititamut ESANI A/S-mut isumaqatigiissut ilisimatitsissutitut saqqummiunneqassasoq.

Ilanngussat

Pissutsit pillugit takussutissiamit nunap assinganut takussutissaaq Blå Hal

ESANI A/S-imut toqqorsivimmik attartortitsinissamut allaffeqarfimmut pisinnaatitsineq

Aalajangiiffigisassaq

SagsID.: EMN-2023-04868

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ESANI A/S-imut Pukuffik B-3800-miittut kommunip toqqorsiviata ilaanik attartornissaq pillugu attartornissamut isumaqatigiissuteqarnissamut allaffeqarfimmut pisinnaatitsineq akuersissutigineqassasoq
- Attartornissamut isumaqatigiissummi allaffeqarfiup attartornerup annertussusaanik avataaneersumik naliliineq tunngavigalugu niueqateqarnermi piumasaqaatit aallaavigalugit attartornissamik aalajangersaasinnaanera akuersissutigineqassasoq
- attartornerup sivissusaanik ukiumik ataatsimik allaffeqarfiup aalajangersaanissaa, ukiumillu ataatsimik sivitsorneqarsinnaanissaanut periarfissalerlugu akuersissutigineqassasoq

Suliassamik saqqummiussineq

Maannakkut puukunik utertitsisarnermi periuseq immiaaqqanut assigiinngitsunut tamanut – imigassartaata kimittussusaa apeqqutaatinnagu, imeruusaatit kulysyre-tallit, matumani sodavandit, energidrik-it, cider-it kiisalu alkopops-inik taaneqartartut (sodavand-it imigassamik akusat), imeruusaatit kulysyre-qanngitsut, matumani puilasumit kuuttumit imeq, lemonade, iste assigisaalu ilanngullugit, aamma saftinut imaluunniit paarnat naatitanilluunniit imeruusaatit puui ilanngullugit - atuutilerluni annertusineqassasoq Namminersorlutik Oqartussat aalajangerpaat.

Puukunik utertitsisarnermi periutsimut nutaamut allaffissornikkut aqutsineq ESANI A/S-*ip* ingerlatissagaa Namminersorlutik Oqartussat isumaqatigiissutigaat. Nunami tamarmi inoqarfinni puukunik utertitanik aallertarnissamik aamma pisiniarfinnut akiliisarnissamik kiisalu atortut atoqqinneqartarnissaasa qulakkeernissaannik suliassat imaqarput.

Puukunik utertitsisarnermut allaffissornikkut aqutsinermut atatillugu ESANI A/S toqqorsivimmik nioqqutissiornissamullu ininik pisariaqartitsivoq tassungalugu atatillugu Kommunip toqqorsiviata B-3000-p ilaata attartornissaanut periarfissaq pillugu Kommuneqarfik Sermersooq aperineqarpoq. Toqqorsivik Pukuffimmi inissisimavoq ESANI-llu suliaanun allanut qanittumik inissisimalluni. ESANI-mit kissaatigineqarpoq toqqorsiviup immikkoortua utertitsisarfittut atorneqassasoq, Nuummit aamma Nunatsinni illoqarfinnit nunaqarfinniillu allanit utertitat kisinneqartassallutik. Tamatuma kingorna atortut aserorterneqassapput naqinneqarlutillu, tamatuma kingorna atortut Europami atoqqitassanngorlugit nassiunneqassapput.

Attartornertaa Kommuneqarfik Sermersuumit niueqateqarnermi piumasaqaatit avataaniillu illunik tuniniaasartunit naliliineq tunngavigalugit aalajangersarneqassallutik.

Ingerlatsivimmit aningaasatigut sulisoqarnikkullu naliliinerit

Ingerlatsivik naliliivoq, toqqorsivik Pukuffik B-3800 taamaallaat ilaannakoortumik atorneqassasoq, toqqorsiviullu ilaata attartornera kommunimi suliassat annertussusaannut akornutaassanngitsaq. Kommune taamaalilluni suli toqqorsivissaqassaaq/uninngatitassanut inissaqartitsissaaq, toqqorsiviup ilaata attartornerataluunniit kingornatigut. Attartorneq taamaalilluni piffissami attartorfiusumi Kommunimut isertitaqarnerunermik pilersitsissaaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi aqutsinermut ileqqoreqqusaq 14. marsi 2022-meersoq

Ilannussat

1. Pissutsit pillugit takussutissiamit nunap assinganut takussutissaaq Blå Hal

IMMIKKOORTOQ 8: 2024-imut aningaasaliissutinik agguataarineq Nuummi Najukkami Ataatsimiititaliaq

Beslutning

Inassuteqaat akuersissutigineqarpoq, siunnersuutit immikkoortut 9. aamma 12. Inuusukombest tunngasunut minillugit.

Ilanngussat

2024-mut aningaasaliissutinik atuineq

Nuummi Najukkami Ataatsimiititaliamiit allakkiaq una pillugu aningaasaliissutissat immikkut akuersissutigineqarnissaat

2024-imut aningaasaliissutiniq agguataariniq Nuummi Najukkami Ataatsimiititaliaq

Siunnersuut

Aalajangiiffigisassaq

SagsiD.: EMN-2022-09737

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Nuummi Najukkami Ataatsimiititaliamit 2024-mi aningaasaliissutiniq atuinissaq akuersissutigineqassasoq

Suliassamik saqqummiussineq

Kommunip illoqarfiini tamani najukkami ataatsimiititalianik pilersitsisoqarnikuuvoq, taakkulu aningaasaliissutitaqarput. Matumuuna

Nuummi Najukkami Ataatsimiititaliap 2024-mut aningaasaliissutit pingaarnersiorlugit

agguataarinissaanut siunnersuut Aningaasaqarnermut Inuussutissarsiornermullu Ataatsimiititamut saqqummiunneqarpoq.

Nuummi Najukkami Ataatsimiititaliap 2024-mut aningaasaliissutaasut

atugassanngortinneqarnissaat itisilerlugillu piareersarpaat. Ilanngussaq 1-imi najukkami

ataatsimiititaliamut aningaasaliissutaasut kiisalu suliniutimik agguataarneqarneri

saqqummiunneqarput. Immikkoortuni tamani aningaasaliissutit suliniutinut suliassanullu

aalajangersimasunut atugassiissutigineqarsinnaapput, Najukkami Ataatsimiititaliamit namminermit

imaluunniit Najukkami Ataatsimiititaliamit aningaasaliiffigineqarnissamik qinnuteqaateqarsimasunit

innuttaasunit peqatigiiffinniilluunniit aaqqissuunneqartumik. Aningaasat ilanngussaq 1-imi

saqqummiunneqarput.

Najukkami Ataatsimiititaliap 2024-mut aningaasaliissutiniq atugassiissuteqarnermini

suliniutissat/suliassat ileqqoreqqusani §2 imm 5-imi aningaasaliissutissat atornissaannut

piumasaqaatinut Najukkami Ataatsimiititaliamit aalajangersarneqarsimasunut naapertuuttuunersut

pingaartissavaa. Suliniutissat aamma suliassat tamarmik ingerlatsiviit illuatungeriillu

attuumassuteqartut qanimut suleqatigalugit ataqatigiissarneqassapput. Agguanneqartussatut

aningaasaliissutit aamma tusarniaassutinut tamanut ammasumik ingerlatitassanut, workshoppinut,

suliniutinut, aaqqissukkanut allanut sulianulluunniit Najukkami Ataatsimiititaliap pilersitaanut

atorneqarsinnaapput.

Ingerlatsivimmit aningaasatigut sulisoqarnikkullu naliliinerit

Kommunalbestyrelse Nuummi Najukkami Ataatsimiititaliamut 2024-imut katillugit 3.370.000

koruunit aningaasaliissutigai. Aningaasartai aningaasaliissutiniq agguariaaseq

Aningaasaqarnermut Inuussutissarsiornermullu Ataatsimiititaliamit 2018-imi, 2020-mi aammalu 2023-mi akuersissutigineqarsimasoq naapertorlugu annertussusilerneqarput.

Suliniutini suliassanilu Najukkami Ataatsimiititaliamit aallartinneqartuni tamani innuttaasunik

peqataatitsinissaq qitiutinneqartarpoq, assersuutigalugu innuttaasunik peqataaffigineqartumik

suleqatigiissitaliornermi, innuttaasunik ataatsimiititsineri aamma/imaluunniit taasinerni.

Suliniutissat suliassallu tamarmik ingerlatsiviit attuumassuteqartut qanimut suleqatigalugit

ataqatigiissarneqassapput. Tassunga ilanngullugu kommune suleqatigiissitani sinniisoqassaaq,

tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissarineq annertuumik pisariaqarmat.

Suliffeqarfimmut Kiffartuussivimmit aningaasatigut naliliineq

Soqanngilaq agguataarinerit missingersuutit iluaneereermata.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32
- Najukkami Ataatsimiititaliamut ileqqoreqqusaq
- Najukkami Ataatsimiititaliap suleriaasissaa

Ilanngussat

1. 2024-mut aningaasaliissutinik atuineq
2. Nuummi Najukkami Ataatsimiititaliamiit allakkiaq una pillugu aningaasaliissutissat atugassanngortinneqarnissaat

IMMIKKOORTOQ 9: 2024-imut aningaasaliissutinik agguataarineq Ittoqqortoormiini Najukkami Ataatsimiititaliaq

Beslutning

Inassuteqaat akuersissutigineqarpoq.

2024-mut aningaasaliissutinik agguataarineq Ittoqqortoormiini Najukkami Ataatsimiititaliaq

Siunnersuut

Aalajangiiffigisassaq

SagsID: EMN-2022-09737

Suliffeqarfimmut Kiffartuussivik - Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Ittoqqortoormiini Najukkami Ataatsimiititaliamut 2024-imi aningaasaliissutit pingaarnertut agguanneqarnissaannut siunnersuut akuersissutigineqassasoq

Suliassamik saqqummiussineq

Ittoqqortoormiini Najukkami Ataatsimiititaliap aalajangerpaa, 2024-imi aningaasaliissutit 140.000 kr.-nik annertussuseqartut, immikkoortunut arfinilinnut pingaarnertut agguataarneqassasut, ukuusut:

- Meeqqanut inuusuttunullu
- Illoqarfimmi kulturi kusassaanerillu
- Inuttut atugarisat peqqinnerlu
- Utoqqaat inuillu innarluutillit
- Timersorneq silamilu inuuneq
- Illoqarfiup immikkoortuinut pilersarusiorneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2024-mut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atomissaannut nalilersuutitut Najukkami Ataatsimiititaliamit aalajangersarneqarsimasunut naapertuuttuunersut misissoqqissaarusuppai (ilanngussa 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

Aagqiissutissatut siunnersuut – suliatigut naliliineq

Siunertaq:	Tunngavilersuutit:	Aningaasaliissutissamut:
Nalliuttut 2024 il.il.	Inuiattut ullorsiorneq (3.000.-) Ullorsionermut atatillugu aaqqissuussassanut aningaasaliissutissat. Juullerpalaartitsineq (15.000.-)	18.000.-

Innuttaasunik unnessiuartitsinerit	Susassaqartitsilluni innuttaasunik unnessiuaaqatigiissitsinerit	30.000.-
Qisunnik pisineq	Qisunnik piseriarluni "Qinngaavianut anartarfik, nerrivik issiavittalik sanatillugit. Siunertami Majoriaq suleqatiserineqassaaq.	27.000.-
Saligaatsoq 2024	Aammaarluta ukioq 2024 innuttaasut suleqatigalugu illoqarfitta salinnissaa. Tamannalu pisarpoq Inuiattut ullorsiunngilaarnitsinni aammalu aasap qaangiutillernerani.	10.000.-
Peqatigiiffinnut tapiissutissat	Ittoqqortoormiini assigiinngitsunik aaqqissuussinissamut peqatigiiffuinnut tapiissutissat.	50.000.-
Innuttaasunik ataatsimiititsinerit	Kaffe the il.il	5.000.-
Katillugit.		Kr. 140.000.-

Ingerlatsivimmit aningaasatigut sulisoqarnikkullu naliliinerit

Kommunalbestyrelse Ittoqqortoormiini Najukkami Ataatsimiititaliamut 2024-imut katillugit 140.000 kr.-t aningaasaliissutigai. Aningaasartai aningaasaliissutinik agguariaaseq Aningaasaqarnemut Inuussutissarsionermullu Ataatsimiititamit 2015-imi akuersissutigineqarsimasoq naapertorlugu annertussilerneqarput.

Suliniutini suliassanilu Najukkami Ataatsimiititaliamit aallartinneqartuni tamani innuttaasunik akuutitsisinnanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitaliornermi, innuttaasunik ataatsimiititsineri aamma/imaluunniit taasinerni.

Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinnisoqassaaq, tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissaarineq pisariaqarmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

Ilanngussat

Soqanngilaq.

IMMIKKOORTOQ 10: 2024-imut aningaasaliissutinik agguataarineq Paamiuni Najukkami Ataatsimiititaliaq

Beslutning

Inassuteqaat akuersissutigineqarpoq.

2024-imut aningaasaliissutinik agguataarineq Paamiuni Najukkami Ataatsimiititaliaq

Siunnersuut

Aalajangiiffigisassaq

SagsID: EMN-2022-09737

Suliffeqarfimmut Kiffartuussivik - Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamut inassuteqaatigaa:

- Paamiuni Najukkami Ataatsimiititaliamut 2024-imi aningaasaliissutit pingaarnertut agguanneqarnissaannut siunnersuut akuersissutigineqassasoq

Suliassamik saqqummiussineq

Paamiuni Najukkami Ataatsimiititaliap aalajangerpaa, 2024-mi aningaasaliissutit 350.000 kr.-nik annertussuseqartut, immikkoortunut arfinilinnut pingaarnertut agguataarneqassasut, ukuusut:

- Meeqqanut Inuusuttunullu
- Illoqarfimmi kulturi kusassanerillu
- Inuttut atugarisat peqqinnerlu
- Utoqqaat inuillu innarluutillit
- Timersorneq silamilu inuuneq
- Illoqarfiup immikkoortuinut pilersarusiorneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2024-imut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut nalilersuutinut Najukkami Ataatsimiititaliamit aalajangersarneqarsimasunut naapertuuttuunersut misissoqqissaarusuppai (ilanngussaq 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

Aqqiissutissatut siunnersuut – suliatigut naliliineq

Siunertaq:	Tunngavilersuutit:	Aningaasaliissutissaq:
Nalliuttut 2024 il.il.	Meeqqat ulluat (5.000.-) Drink-it naatitanillu agguaneq. Inuiattut ullorsiorneq (20.000) Ullorsionermut atatillugu aaqqissuussassanut aningaasaliissutissat.	95.000.-



	<p>01. Advent. (20.000.-) Orpiup ikinnerani meeqqanut pissaqartitsineq. Mamakujuit juullerpaluttumillu agguaassineq.</p> <p>Ullukinnersiortitsineq (50.000.-) Taqqissuummi ullukinneq immikkut malunnartillugu kalaaliminernik nereqatigiinnertalik, allanillu sammisaqartitsineq.</p>	
Maj peqqissuutiguk	<p>Maaji qaammat peqqinnissamik siuarsaataasunik innuttaasunut sammisassaqartitsineq. Aningaasanik suliniummut "Maaji peqqissuutiguk"-mut atugassanik agguaassineq.</p>	5.000.-
Illoqarfiup takujuminarsarnissaa	<p>Silami arsakoofit eqqaavittallit napparutini nivingasut.</p> <p>Qaarsut eqqumiitsuliorfigalugit. Tassani atortussat/ sakkut pigineqareerput.</p>	100.000.-
Saligaatsoq 2024	<p>Aammaarluta ukioq 2024 innuttaasut suleqatigalugu illoqarfitta salinnissaa. Tamannalu pisarpoq Inuiattut ullorsiunngilaarnitsinni aammalu aasap qaangiutilernerani.</p>	30.000.-
Peqatigiiffinnut tapiissutissat	<p>Paamiuni assigiinngitsunik aaqqissuussinissamut peqatigiiffinnut tapiissutissat.</p>	30.000.-
Kulturi	<p>Kulturikkut pikialaartitsinissanut assigiinngitsunut tapiissutissat, soorlu ilaqtariinnut nipilersortunik</p>	90.000.-

	tusarnaartitsineq, imigassartaqanngitsoq.	
Katillugit.		Kr. 350.000.-

Ingerlatsivimmit aningaasatigut sulisoqarnikkullu naliliinerit

Kommunalbestyrelse Paamiuni Najukkami Ataatsimiititaliamut 2024-mut katillugit 350.000 kr.-t aningaasaliissutigai. Aningaasartai aningaasaliissutinik agguariaaseq Aningaasaqarnermut Inuussutissarsiornermullu Ataatsimiititamit 2015-imi akuersissutigineqarsimasoq naapertorlugu annertussilerneqarput.

Suliniutini suliassanilu Najukkami Ataatsimiititaliamit aallartinneqartuni tamani innuttaasunik akuutitsinnaanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitaliornermi, innuttaasunik ataatsimiititsinermi aamma/imaluunniit taasinerni.

Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinniisoqassaaq, tassa Najukkami Ataatsimiititaliap suliniutai kommunilluunniit tunngaaniit suliniuteqartoqartillugu ataqatigiissaarineq pisariaqarmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

Ilanngussat

Soqanngilaq.

IMMIKKOORTOQ 11: 2024-imut aningaasaliissutinik agguataarineq Tasiilami Najukkami Ataatsimiititaliaq

Beslutning

Inassuteqaat akuersissutigineqarpoq.



2024-imut aningaasaliissutinik agguataarineq Tasiilami Najukkami Ataatsimiititaliaq

Siunnersuut

Aalajangiiffigisassaq

SagsID: EMN-2022-09737

Suliffeqarfimmum Kiffartuussivik - Kommunaldirektøri Ole Jakobsen / OJAK

Inassuteqaat

Suliffeqarfimmum Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Tasiilami Najukkami Ataatsimiititaliamut 2024-imi aningaasaliissutit pingaarnertut agguanneqarnissaannut siunnersuut akuersissutigineqassasoq

Suliassamik saqqummiussineq

Tasiilami Najukkami Ataatsimiititaliamit aalajangerneqarpoq, 2024-imi aningaasaliissutit 350.000 koruuninik annertussuseqartut, immikkoortunut arfinilinnut pingaarnertut agguataarneqassasut, ukuusut.

- Meeqqanut inuusuttunullu tunngasunut
- Illoqarfimmi kulturi kusassanerillu
- Inuttut atugarisat peqqinnerlu
- Utoqqaat inuillu innarluutillit
- Timersorneq silamilu inuuneq
- Illoqarfiup immikkoortuinut pilersaaruserneq, pinngortitaq avatangiisillu

Immikkoortuni tamani aningaasaliissutit suliniutinut suliassanullu aalajangersimasunut atuutilersinneqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aaqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2024-imut aningaasaliissutinik atuutilersitsinnginnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut nalilersuutinut Najukkami Ataatsimiititaliamit aalajangersarneqarsimasunut naapertuuttuunersut missoqqissaarusuppai (ilanngussa 2). Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

Aaqqiissutissatut siunnersuut – suliatigut naliliineq

Siunertaq:	Tunngavilersuutit:	Aningaa-saliissutisat:
Kulturi	Aningaasaliissutissat inuiattut ullorsiornermi ullormi sammisassanut arlalinnut atorneqartussatut siunniunneqarput, Kulturikkut ingerlatsisut tapersorneqarnissaat aamma tassanngaaniit siunniunneqarpoq.	60.000 kr.

Innuttaasunik sammisaqartitsineq	Ukiumut pingasoriarluni innuttaasunik illoqarfimmi salisitsineq ingerlanneqartarpoq saleereernermilu aasami siaasaaneq ingerlanneqartarluni, kiisalu peqataasunik makitsinikkut pinnatassaqartarluni.	30.000 kr.
Pinaveersaartitsineq	Illoqarfimmi paasititsiniaanermi innuttaasunut kiisalu peqatigiiffiit pinaveersaartitsinermi suliaqartillugit tapersiisarnissamut atorneqassapput kaffe, tii kaaginillu sassaallisarnissamut.	15.000 kr.
Illoqarfimmi kusassaaneq	Illoqarfik kusassarneqarnissaa suliniuteqarfigineqarnissaa, arsaattarfimmi issiaartarfiit innuttaasuniit amerlanerusut piumavaat, kiisalu timersortartut isersimaartarfissaat siallertillugu oquiffissaannik pilersitsinissaq.	80.000 kr.
Nammineq kajumissutsiminnik suliniuteqartunut tapiissutit	Illoqarfiup iluani nammineq kajumissutsimik suliniuteqartut innuttaasunik katerisimaartitsisartut kiisalu qiimmassaqatigiinnermik suliniuteqartut kaffi, tii kaaginillu tapiiffigineqartarput. Suliniutit imigassartaqanngitsumik ingerlanneqartartut.	15.000 kr.
Illuaraq	Illuaqqat piterarujussuarnerata kinguneranik tinginnikuummata, qinnguaniittoq toqqavikua atorluarlugu sanatitsinissaq.	150.000 kr.

Ingerlatsivimmit aningaasatigut sulisoqarnikkullu naliliinerit

Kommunalbestyrelse Tasiilami Najukkami Ataatsimiititaliamut 2024-imut katillugit 350.000 koruunit aningaasaliissutigai. Aningaasartai aningaasaliissutinik agguariaaseq Aningaasaqarnermut Inuussutissarsiornermullu Ataatsimiititamit 2015-imi akuersissutigineqarsimasoq naapertorlugu annertussusilerneqarput.

Suliniutini suliassanilu Najukkami Ataatsimiititaliamit aallartinneqartuni tamani innuttaasunik peqataatitsisinnanissaq qitiutinneqartarpoq, assersuutigalugu innuttaasunik peqataaffigineqartumik suleqatigiissitaliornermi, innuttaasunik ataatsimiititsinermi aamma/imaluunniit taasinerni.

Suliniutissat suliassallu tamarmik ingerlatsiviit attuumassuteqartut qanimut suleqatigalugit ataqatigiissarneqassapput. Tassunga ilanngullugu kommune suleqatigiissitani sinniisoqassaaq, tassa Najukkami Ataatsimiititaliap suliniutai kommunilluunniit tungaaniit suliniuteqartoqartillugu ataqatigiissarineq pisariaqarmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4, § 32
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat



Ilanngussat
Soqanngilaq.

IMMIKKOORTOQ 12: Playmakerprogrammimik pilersitsineq

Beslutning

Dorthe-Marie Mognsen-Fontain (S) suliamut attuumavallaarnini nalunaarutigaa ataatsimiittarfillu qimallugu.

Inassuteqaat akuersissutigineqarpoq.

Ilanngussat

Kommuneqarfik Sermersooq, Timersoqatigiit Kattuffiat GAME-illu akornanni Playmaker Programmi pillugu isumaqatigiissutaasa najoqqutassaa

Playmakerprogrammimik pilersitsineq

Timersoqatigiit Kattuffiat suleqatigalugu Inuusuttunit Inuusuttunut suliniut

Aalajangiiffigisassaq

SagsID.: EMN-2023-03616

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfimmullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

- Paamiuni 2024-mi Nuummilu 2025-mi Playmakerprogrammimik pilersitsineq akuersissutigineqassasoq

Suliassamik saqqummiussineq

Kommuneqarfik Sermersuumi partiit suleqatigiit Timersoqatigiit Kattuffiata 2030-mi Kalallit Nunaata nunarsuarmi timimik aalatitsinerpaalernissaanik takorluugaanik periusissiaanillu tapersersuinissaminnik suleqatigiissuteqarput. Pinnguarneq, aalaneq, nuannaarneq, ataatsimoorneq pinngortitamilu misigisaqarneq qitiutillugit, innuttaasunut tamanut inuunerissaarnissamut pitsaasunik tunngavinnik timersornerup aalanerullu pilersitseqataasinnaanissaat, Timersoqatigiit Kattuffiata Kommuneqarfik Sermersuullu upperivaat.

Kommuneqarfik Sermersooq Timersoqatigiiffiit Kattuffiallu isumaqatigiissuteqarput, tassanilu illuatungeriit Timersoqatigiiffiit Kattuffiata suliniutaa *Ataatsimoorluta Aalasa – timersornermi meeqqat inuunerinnissaat ataatsimoorfigalugu* nuna tamakkerlugu suliniutaasup meeqqat pisinnaatitaaffiinut tunngasup, meeqqanut inuusuttunullu tamanut toqqissisimanartumik peqataatitsisumillu timersortartuusinnaanermik qulakkeerinninnissamik siunertaqartup aallartisarneqarnissaanik tapersersuerusupput.

Suleqatigiinnissamut isumaqatigiisummi suliniutit ilagaat suliniaqatigiiffik GAME suleqatigalugu Playmakerprogrammimik pilersitsineq, tassani meeqqat inuusuttullu periarfissaannik imminnullu isiginnittariaasiannik nukittorsaaneq pingaartinneqarluni.

Taamatut suliaqarnermi anguniarneqarpoq:

- Meeqqanut inuusuttunullu sammisassatut neqeroorutit pitsanngorsarnissaat, pingaartumik meeqqat atugarliuuteqartut anguniarneqassapput.
- Timersornermik ingerlatsinerit toqqissisimanartut peqataatitsisullu ineriartortissallugit pilersissallugillu, aqqusinerni timersuutit aamma ataqatigiiffiit peqataatitsisut pingaartillugit
- Inuusuttut akisussaassusermik tigusinissaannut aamma kajumissutsimik suliaqarnissaannut periarfississallugit kajumissuseqalersissallugillu, inuttut aamma timersornikkut piginnaasaannik ineriartortitsineq aqqutigalugit

Suliniuummi tunngavigineqarpoq GAME-p nunani tamalaani assigiinngitsuni timersorneq aqqutigalugu inuuniarnikkut suliniutinik ingerlatsinera, tassunga ilaalluni Qeqqata Kommuniani Playmakerprogrammimik aallartitsineq.



Playmakerprogrammi pillugu

Playmakerprogrammi sumiiffimmi naleqqussaaniq akisussaaffiliinikkullu ineriartortinneqassaaq, silami timersorneq aqqutigalugu inuusuttut (17-iniit 25-inut ukiullit) inuunerminni piginnaasaannik tunniusimanerannillu ineriartortitsinissamik siunertaqarluni. Playmakerit, inuusuttuusut, meeqqanut inuusuttunullu sumiiffinni qanigisaanni toqqissisimanartunik peqataatitsinillu sunngiffimmi sammisassaqtitsinissamut ilinniartinneqassapput.

Playmakerprogrammi Paamiuni Nuummilu aallartinniarneqarpoq, illoqarfiit taakku siulliunneqassapput, kingorna Tasiilamut 2025-mi imaluunniit 2026-mi siammarneqarnissaa siunertaralugu. Paamiuni iluatsillugu Paamiut Asasara immikkoortoq 2-mut atatinneqarsinnaavoq.

Meeqqanut Atuarfeqarnermullu Ingerlatsivimmit nunaqarfinni qanittuaniittuni inuusuttunik peqataatitsinissamut periarfissat misissornissaat pingaartinneqassaaq, taamaasillutik Playmakeritut ataatsimoortunut peqataanissamut periarfissaqarniassammata.

Playmakerprogrammi suliniutaavoq ingerlaavartuq suliniummi iluseq ingerlaavartumik playmakerinik nutaanik ilinniartitsinermik taakkualu kajumissutsimik sulineranni tapersorsorneqarnissaannik qulakkeerinnittoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliniut Meeqqanut Atuarfeqarnermullu Ingerlatsivimmi Sammisaqartitsinermik Immikkoortortap aamma Ineriartortitsinermut, Peqqinnermik Siuarsaneq Pitsaaliuinerimullu Immikkoortortap suleqatigiillutik ingerlatarissavaat. Taakkua saniatigut Playmakerprogrammi najukkami kommunimi ataqatigiissaarisooqassapput illoqarfinni taakkunani. Tamanna assersuutigalugu sammisassaqtitsinermik suliasaqaqfimmi immikkoortortami aqutsisuusinnaavoq, ulluinnarni ataqatigiissaarisuaqqanik aamma Game peqatigalugu playmakerinik ulluinnarni attaveqartoq.

Paamiuni Nuummilu Playmaker Programmimik aallartitsinermut atatillugu Kommuneqarfik Sermersooq 2024-mi kingornalu ukiumut 150.000 koruunit missiliorlugit aningaasartuuteqartassaaq.

Meeqqanut Atuarfeqarnermullu Ingerlatsivimmit nalilernerneqarpoq missingersuut siunertap 0801030000 iluaniissinnaasoq.

Ilanngussaq 1-imi qupperneq 5-imi takuuk missingersuummut tamarmut takussutissiaq.

Suliffeqaqfimmut Kiffartuussivimmit aningaasatigut naliliineq

Suliniuummut missingersuutit siunertap iluini matussuserneqarsinnaammata, taamalu annertunerusumik aningaasaliissutinik qinnuteqartoqarnissaa pisariaqanngimmat Suliffeqaqfimmut Kiffartuussivimmit allanik oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaatillit

- Inuit Ataqatigiit Demokratillu akornanni Kommuneqarfik Sermersuumi kommunalbestyrelsimi suleqatigiinnissamik isumaqatigiissutaat 2023-2025
- Kommuneqarfik Sermersuup aamma Timersoqatigiit Kattuffiata akornanni suleqatigiinnissamik isumaqatigiissut 2023-2027

Siusinnerusukkut aalajangiinerit

Meeqqanut Ilaqutariinnut Atuarfeqarnermullu Ataatsimiititaq 30.11.23:

Inassuteqaat akuersissutigineqarpoq.

Ilannussat

1. Kommuneqarfik Sermersooq, Timersoqatigiit Kattuffiat GAME-illu akornanni Playmaker Programmi pillugu isumaqatigiissutaasa najoqqutassaa

IMMIKKOORTOQ 13: Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinemullu Periusissiaq 2023-2030

Beslutning

Immikkoortoq Aningaasaqarnermut Inuusutissarsiornermullu Ataatsimiititap tulliani ataatsimiinnissaanut kinguartinneqarpoq.

Ilanngussat

Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinemullu Periusissiaq 2023-2030



Meeqqanik inuusuttunillu suliassaqarfimmi Peqqinnermik Siuarsaanermut Pitsaaliuinemullu Periusissiaq 2023-2030

Aalajangiiffigisassaq

SagsID.: EMN-2023-02812

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfimmullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

- Peqqinnermik Siuarsaanermut Pitsaaliuinemullu Periusissiaq akuersissutigineqassasoq

Suliassamik saqqummiussineq

2022-mi aqqissuussisoqaqqippoq tamatumalu peqqinnermik pitsaaliuinemillu suliassaqarfii ataatsimut kattunnerat, Ineriartortitsinermit, Peqqinnermik Siuarsaneq Pitsaaliuinemullu Immikkoortortaq, kinguneraa. Immikkoortortaq Meeqqanut Atuarfeqarnermullu Ingerlatsivimmi inissisimavoq, ingerlatsivimmit meeqqat ulluunerani paaqqinniffimmiittut, atuarfinniittut, sunngiffimmilu neqeroorutiniittut attavigineqarput kiisalu meeqqanut qanittumik sulisut ulluinnarni kommunip meerartaannut inuusuttaannullu peqqinnermik siuarsaanermi pitsaaliuinemilu peqataasinnaasut attavigineqarlutik.

Meeqqanut Atuarfeqarnermullu Ingerlatsivik meeqqanut inuusuttunullu suliassaqarfimmi peqqinnermik siuarsaanermut pitsaaliuinemullu periusissiamik suliaqarpoq. Periusissiap uuma pingaarnertut siunertaraa Kommuneqarfik Sermersuumi peqqinnermik siuarsaataasunik aamma pitsaaliuinemik suliaqarneq pillugit ataatsimut sinaakkutissanik pilersitsinissaq. Peqqinnermik siuarsaneq pitsaaliuinerlu qanoq isumaqartinneqarnerasoq qanorlu suliarineqassanersoq tamanut ersarissuussaaq. Periusissiap kommune tamakkerlugu ataatsimut anguniakkamut suliniutit, iliuutsit, pingaarnersiuerillu tikkuunnissai qulakkiissavaa. Meeqqat inuusuttullu ulluinnarni sumiiffiini avatangiisini peqqinnermik siuarsaanerup pitsaaliuinerullu ilaatinneqarnissaannik qulakkeereqataassaaq.

Periusissiaq pingaarnertut inissisimavoq, Kommuneqarfik Sermersuup ilaani assigiinngitsorpasuarunut naleqqussarneqarsinnaavoq sumiiffinnilu tunngavilersuinissamut aamma sumiiffimmi suliniuteqarnissamut inissaqartitsilluni. Peqqinnermik siuarsaanermi aamma pitsaaliuinermi suliniutit sumiiffimmi pigineqareersut aamma sumiiffinni, illoqarfinni nunaqarfinnilu assigiinngitsuni, nukiit pigineqareersut aallaavigalugit ingerlanneqassapput. Meeqqat inuusuttullu sumiiffii aamma meeqqat ulluinnarni inuit sulisullu avatangiiserisartagaat qitiutinneqassapput.

Periusissiaq suliniutit sisamat pingaartillugit qitiutillugillu suliarineqarpoq, Meeqqanut Atuarfeqarnermullu Ingerlatsivimmi sulinermi aallaavigineqartussat:

1. Isumakkut peqqissuuneg

Isumakkut peqqissuunerup pitsaasup inunni ataasiakkaani inuunermi atugarissaarneq siuarsassavaa aamma atugarissaartumik peqqissumillu inuuneqarnissamut tunngaviliisuulluni. Ilaatigut ataatsimoorfinnut peqqinnartunut peqataatitsisunullu, pimmatiginninnermik pitsaaliuinermit, tatitussusermut meeqqallu akornanni inersimasunut tatiginartumik attaveqarnermut tunngassuteqarpoq.



2. Kinguaassiuutinik atuinikkut misigissutsikkullu peqqissuseq

Kinguaassiuutinik atuinikkut misigissutsikkullu peqqissuseq meeqqanut inuusuttunut aamma inersimasunut meeqqat akornanniittunut meeqqanik inuusuttunilu kinguaassiuutitigut peqqinnermut aamma kinguaassiuutitigut ineriartormik ilisimasaqarnerulermik paasinninnerulermillu tunisissaaq. Ulluunerani paaqqinniffinni meeraaqqani kinguaassiuutinik atuinikkut misigissutsikkullu peqqissutsikkut ineriartormut aamma meeqqat atuarfiani inuusuttuarangulerneq, killissat atoqatigiinnerlu pillugit kinguaassiuutit pillugit atuartitsinermut tunngassuteqarpoq.

3. Timikkut peqqissuuneq

Timikkut peqqissuunerup ilaatigut peqqinnartunik inuussutissartalinnillu nerisaaqarneq, aalaneq/timersorneq, timersorluni ataatsimooqatigiinneq, sininneq aamma isumakkut peqqissuuneq imarai.

4. Aanngajaarniutinik atuilernissamut pitsaaliuineq

Aanngajaarniutinik atuilernissamut pitsaaliuineq angajoqqaat qanimut suleqatigalugit pujortartalermik sunoorsinillu atuilernermik pinaveersaartitseqataassaaq aamma imigassamik atueqqaarnermik kingusinnerulersitseqataassalluni.

Suliassaqarfiit pingaartillugit qitiutinneqartut killiffinni tamani kommunillu ulluunerani paaqqinnittarfiini, atuarfiini sunngiffimmilu ornittakkani aamma sunngiffimmi neqeroorutini tamaniittuni qassinilluunniit ukiulinnut peqqinnermik siuarsaanermik pitsaaliuinermillu suliassarfiginissanut inissaqartitsipput.

Ineriartortitsinermik, Peqqinnermik Siuarsaaneq Pitsaaliuinermilu Immikkoortortaqaarfik periusissiamik aamma suliassaqarfiit pingaartillugit qitiutinneqartunik atuutsitsilissaaq. Tamanna ilaatigut suleqatigiinnermik pilersitsinikkut suliassaqarfimmilu sulisut assigiinngitsut suleqatiginerisigut kisiannili aamma meeqqanik qanimut sullissisut tapersersornerisigut ineriartortinnerisigullu kiisalu angajoqqaanik annertunerusumik pitsaanerusumillu suleqateqarnikkut pissaaq. Suliniutit piviusumik aallaaveqassapput taamaattumillu meeqqanut qanimut sullissisunik qanimut suleqateqarneq pingaarnerutinneqassaaq.

Peqqinnermik pitsaaliuinermillu siunnersortit angalasartut suleqatigiit kommune tamakkerlugu peqqinnermik siuarsaanermik pitsaaliuinermillu sulineq qulakkiissavaat. Peqqinnermik pitsaaliuinermillu siunnersortit amerlasuutitigut ingerlatsineq pissutigalugu pingaarnersiorneqarneq ajortunik, sulianut tunngasunik ilisimasanik, sakkussanik ineriartortitsinikkut ilisimasanillu ingerlatitseqqinnikkut, immikkut tunniussaqaassapput. Peqqinnermik pitsaaliuinermillu siunnersortit atuuffiat immikkut nukissatut isigineqassaaq, meeqqanik qanimut sullissisut peqqinnermik siuarsaanermik pitsaaliuinermillu ulluinnarni sulineranni ikiuussinnaasut.

Periusissiami suliassaqarfiit pingaarnerutillugit qitiutinneqartunut aalajangiussaasumik anguniakkat allassimapput, peqqinnermik siuarsaanermik pitsaaliuinermillu suliassarnermik pingaartitsinermik qulakkeerisussat. Anguniakkanittaaq sumiiffinni suliniutit suliarineqassapput peqqinnermik siuarsaanermik pitsaaliuinermillu sulinerup sumiiffinni atugassarititaasunut pisariaqartitanullu naleqqussaanissamik qulakkeerisussat. Suliniutit aallartinneqartut anguniakkallu ingerlaavartumik nalilersorneqassapput, peqqinnermik siuarsaanermik pitsaaliuinermillu sulinerup ingerlarnge qulakkeerniarlugu taamaasilluni aqquataani iluarsinissamut periarfissaqaassalluni.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- HBSC-rapport 2022
- Inuuneritta III

Siusinnerusukkut aalajangiinerit

Meeqqanut Ilaqutariinnut Atuarfeqarnermullu Ataatsimiititaq 30.11.23:

Inassuteqaat akuersissutigineqarpoq.

Ilangussat

1. Meeqqanik inuusuttunillu suliaasaqarfimmi Peqqinnermik Siuarsaanermut Pitsaaliuinerimullu Periusissiaq 2023-2030

IMMIKKOORTOQ 14: Kommunitut pilersaarummut tapiliussassatut siunnersuut 3E5-6 Nuuk Airport pillugu tamanut tusarniaaneq

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussaqq 3E5-6, Nuuk Airport pillugu siunnersuut



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. SAA
2. AIA

AKUERSISSUTIGINNINNEQ

1. SAA
2. AIA
3. KB



Kommunimut pilersaarummut tapiliussassatut siunnersuut 3E5-6 Nuuk Airport pillugu tamanut tusarniaaneq

Aalajangiiffigisassaq

SagsID.: EMN-2023-02349

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartornermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussaq 3E5-6 Nuuk Airport sapaatip akunnerini arfinerpingasuni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3E5-6 Nuuk Airport, matumuuna saqqummiunneqarpoq.

Kommunimut pilersaarummut tapiliussaq suliarineqarpoq Nuummi nunanit allanit tikittarfissamik mittarfimmik ammaanermi mittarfeqarfimmik siunertamut naapertuuttumik ineriartortitsineq qulakkeerniarlugu. Immikkuualuttup iluani nunaminertat mittarfimmu attuumassuteqartunik inuussutissarsiutinut sullissinernullu atugassiaapput.

Kommunimut pilersaarummut tapiliussaq mittarfiup kangiata tungaani ujaqqueriviup pioreersup avammut isertitsiviup aqquataa Isertitsiviit tungaanut allilernissaanut pisariaqartitsinermik tunngaveqarpoq. Matumani pilersaarutit tunngavik malillugu Aqisseqarajuup aqquuserngata killinganut qaqqaq qaartinneqarsinnaassaaq, immikkoortumilu mittarfimmi akuersissutinik pigisaqartumut ineriartortitsivissatut immikkoortumut mittarfeqarfimmu ilanngunneqassalluni.

Matumani kommunimut pilersaarummut tapiliussami mittarfiup kujammut-kangiani immikkoortoq ujaqquerivimmut ineriartortitsivissatullu atugassiissutigineqassaaq. Inuussutissarsiuteqarfinnik atugassiisoqarnissaa siunertaralugu immikkoortoq una qaartiterinerup kingorna *3C9 Mittarfeqarfiup tungaani inuussutissarsiuteqarfimmu* ilanngullugu kattunneqarnissaa pilersaarutaavoq.

Kommunimut pilersaarummut tapiliussatigut immikkoortup ilaanut immikkoortup ilaata killeqarfia nutarterneqassaaq. Taamaalilluni immikkoortup ilaa sissaq sinerlugu killeqalissaaq, immikkoortullu atorneqanngitsut sissaq sinerlugu sanaartorfiunngitsutut nunaminertatut atuutilersinneqaaqissapput. Taamatuttaaq immikkoortup ilaata killinga, inuussutissarsiorfiup nutaap 3C9 Illerngit 2001-ip kangianut atatillugu, nutarterneqassaaq.

Kommunimut pilersaarummut tapiliussami mittarfiup avannaatungaani toqqorsiveqarfiusimasumi nunap isikkusnaanut aalajangersakkat qulakkeerneqarput. Maannamiit immikkoortoq una sukisaarsaarfittut, sanaartorfioqqusaanngitsutut immikkoortutut atugassiissutigineqassaaq,

pisuttuarterfilerlugu kiisalu qamuterallannut ujakkaartartunullu aqquteqalerluni. Tamatuma saniatigut mittarfimmit kujammut kimmuq toqqorsiveqarfik nutaaq toqqarneqassaaq.

Matumani kommunimut pilersaarummut tapiliussamittaaq atortulersuutitut pisariaqartunut sanaartorfissanik toqqaasoqassaaq. Taakku sanaartorfissat Eqalugalissuit tasiata eqqaani erngup nukissiorfianut aamma Illerngit 2001-ip aamma Borgmesteri Anniitap Aqqusernata akornanni maanna sakkortusaaviup pioreersup eqqaani ajutoortoqartillugu nukissiorfimmuq atugassiissutigineqassapput.

Siunnersuut sapaatip akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip, 3E5-6 Nuuk Airport, akuersissutigineqarneratigut kommunimut pilersaarummut tapiliussaq 3E5-5 Nuuk Airport atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmuq Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaattillit

- Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkuq aalajangiinerit

Illoqarfimmik Ineriartortitsinermuq Sanaartornermullu Ataatsimiititaq, 28.11.23:

Inassuteqaat imatut oqaaseqaatilerlugu akuersissutigineqarpoq: Ilanngussaq iluarsineqassaaq suliaq Aningaasaqarnermuq Inuussutissarsiornermullu Ataatsimiititamut ilisimatitsissutitut ingerlateqqinneqartinnagu.

Ilanngussat

1. Kommunimut pilersaarummut tapiliussaq 3E5-6, Nuuk Airport pillugu siunnersuut

IMMIKKOORTOQ 15: Kommunitut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussatut siunnersuut 4A3-1, Ningitsivik Kujalleq



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. IISA
2. AIA

AKUERSISSUTIGINNINEQ

1. IISA
2. AIA
3. KB



Kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk pillugu tamanut tusarniaaneq

Aalajangiiffigisassaq

SagsID: EMN-2023-01301

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartormullu Ataatsimiititamit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

- kommunimut pilersaarummut tapiliussatut siunnersuut 4A3-1 Ningitsivik Kujalleq sapaatip-akunnerini arfineq-pingasuni tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 4A3-1 Ningitsivik Kujalleq, Nuuk, matumuuna saqqummiunneqarpoq.

Immikkuualuttoq 4A3 Nuup illoqarfiata ilaata kangiatungaani Qinnngutsinni inissisimavoq. Immikkoortoq ullumikkut qitiusoqarfittut atorineqarpoq. Kommunimut pilersaarummut tapiliussami matumani immikkoortup atorineqarnissaa inissiaqarfimmut allannngortinneqarpoq akuleriinnik inissialiorfissatut, tassani illut uguleriiaat kiisalu quleriit.

Matumani Kommunimut pilersaarummut tapiliussaq suliarineqarpoq sanaartornissamik qinnuteqaat Inissianik ineriartortitsinissamat siunnersuut Ningitsivik tunngavigalugu, ulloq 22. februaari 2022 Kommunalbestyrelsimut inaarutaasumik akuerineqartoq.

Immikkuualuttut pingasut atugassiissutigineqarput. Immikkuualuttoq A akulikitsunik pukkitsunik inissianik sanaartorfissatut sisamat atugassiissutigineqarput, marlunnik quleriillit tikissinnaallugit. Immikkuualuttoq B-mi sanaartorfissat arfinillit quleriit sisamat tikillugit portussusilinnik inissialiornissamat immikkoortitsisoqarput. Immikkoortup ilaa C sanaartorfiussanngilaq.

Pilersaarummut ilanngullugu immikkoortoq akimorlugu aqqusineqqanik pilersitsisoqassaaq kiisalu sissaq sinerlugu aqqusineqassalluni. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguartarfiit, uninngaartarfiit ilaallu ilanngullugit.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuut 4A3-1 akuersissutigineqarneratigut kommunimut pilersaarummut tapiliussaq 4C3-1 atorunnaarsinneqassaaq.



Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut una pilersaarummik piginnittumit suliarineqarpoq. Ingerlatsivimmit pitsaassutsimik qulakkeerinnineq, siunersiueqatigiinneq ilaallu ilanngullugit ukioq tamaat sulisup ataatsip sulineranik 1/10-anik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 28.11.23:
Inassuteqaat akuersissutigineqarpoq.

Ilanngussat

1. Kommunimut pilersaarummut tapiliussatut siunnersuut 4A3-1, Ningitsivik Kujalleq

IMMIKKOORTOQ 16: Kommunitut pilersaarummut tapiliussassatut 4A8-2 Ningitsivimmi inissiaqarfik, Nuuk, inaarutaasumik akuersissutigineqassasoq

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussatut 4A8-2, Ningitsivimmi inissiaqarfik, Nuuk



KOMMUNIMUT PILERSAARUMMUT TAPILIUSSAQ



SIUNNERSUUTIP TUSARNIUTIGINEQARNERA

1. IISA
2. AIA

AKUERSISSUTIGINNINNEQ

1. IISA
2. AIA
3. KB



Kommunimut pilersaarummut tapiliussap 4A8-2 Ningitsivimmi inissiaqarfik, Nuuk, inaarutaasumik akuersissutigineqarnera

Aalajangiiffigisassaq

SagsID.: EMN-2022-09549

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartornermullu Ataatsimiititamit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

- Kommunimut pilersaarummut tapiliussap 4A8-2 Ningitsivimmi inissiaqarfik, Nuuk, akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussap 4A8-2 Ningitsivik, Nuuk matumuuna saqqummiunneqarpoq. Kommunimut pilersaarummut tapiliussap 4A8-2 Ningitsivik Nuuk siunnersuutitut sapaatit-akunnerini arfineq-pingasuni tamanut tusarniaassutigineqarpoq, piffissami 2023-mi aggustip ulluisa 30-anniit oktobarip ulluisa 25-ata tungaanut. Tusarniaanermut killiliussap iluani akissutinik tigusaqartoqanngilaq.

Kommunimut pilersaarummut tapiliussap 4A8-1-mut iluarsisutaavoq, immikkoortullu ilaani inissianik amerlanerusunut sanaartornissamut pingaarnertut periarfissiinissaq kiisalu nunami inissisimanerat pissusissamisoornerasoq sanaartorfissagissaanerlu naammassilersoq najoqqutarineqarnerasoq qulakkeerumallugu sanaartorfissat pioreersut inissisimaneranik nalilersuinissaq pingaarnertut siunertarineqarput.

Immikkoortup ilaa Qinnigutsinni inissisimavoq, sanaartorfigineqarnikuunanilu. Kommunimut pilersaarummut tapiliussami 4A8-2-mi aalajangersarneqarpoq, immikkoortup ilaa inissiaqarfissatut atorineqassasoq (A), ilaqutariillu ataatsit illuinik illullu affarleriikkaanik quleriinnillu illuliornernermut (A4) inissaqarpoq.

Matumani kommunimut pilersaarummut tapiliussami sanaartorfissiat 43-t inissialiornissamut atugassanngortinneqassapput. Immikkuualuttumi 3-mi sanaartorfissat pingasut inissianut nalinginnaasunut atugassiaassapput.

Najugaqarfik immikkoortup atorineqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq.

Sanaartukkat

Immikkoortup ilaani 4A8-mi sanaartorfissiat atugassanngortinneqarput inissialiasat tamarmik kangerlummut isikkiveqarnissaat eqqarsaatigalugu. Inissiat qaqqap innaarsuunerata ilusaa malittarissavaat, sumiiffiullu nunataata sivinganerata sanaartukkat portussusaat quleriit ataatsit pingasullu akornanniittut ilutigalugit inissianut nutaanut isikkivik pitsaasoq seqinermullu nuisasarnera qularnaassavai. Sanaartornissamut pilersaarummi sanaartorfiunngitsutut uninngatitat periarfissanngornerisa illoqarfimmi nunaannaat ilorrisimaarfissat, siunissamilu sinersilluni aqutissaqalernissamut najugaqarfinnut sanilerisanut ingerlaarsinnaanngornissamut qaninnerulernissamullu periarfissat pilersissavaat.

Sanaartorfissat

Immikkoortup ilaani 4A8-mi sanaartorfissat 42-t atugassanngortinneqassapput, tulliuttumi erseqqinnerusumik nassuiarneqartut:

1-19: ilaqutariinnut ataasiakkaanut atugassiaapput, quleriit 1,5-iunissaat periarfissaalluni.

20-26: illunut sanileeriaannut atugassiaapput, marlunnik quleriinngorlugit sanaartorneqarsinnaasut.

27-43: quleriiaannik inissianut atugassiaapput, pingasunik quleriinnik sanaartorneqarsinnaasut.

Angallannermut tunngasut / aqquserngit aqqusineeqqallu

Sumiiffimmi aqqusiniliortoqarpoq, immikkoortup ilaanik 4A8-p Aqqusineq Dronning Margrethe II-mut aamma Qinngutta sinneranut atassusiisumik. Sumiiffimmi aqqusineq inissianut aqqusinernut sisamanut atassuteqarpoq. Saniatigut immikkoortup ilaani aqqusinniornissamut perisarfissaqarpoq.

Kommunimut pilersaarummut tapiliussap 4A8-2-p Ningitsivimmiittup Nuummi matuma akuersissutigineqarnerani kommunimut pilersaarummut tapiliussaq 4A8-1 Ningitsivik Nuuk atorunnaassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu ingerlatsivimmi suliffiit pingajorarterutaannik tigusivoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 28.11.23:

Inassuteqaat akuersissutigineqarpoq.

Ilanngussat

1. Kommunimut pilersaarummut tapiliussatut 4A8-2, Ningitsivimmi inissiaqarfik, Nuuk

IMMIKKOORTOQ 17: 2024-mi Paamiut pillugu tamakkiisumik pilersaarutip inaarutaasumik akuersissutigineqarnera

Beslutning

Inassuteqaat imatut oqaaseqaatitalerlugu akuersissutigineqarpoq: Ataatsimiititamit kissaatigineqarpoq bussinik ingerlatsinerup iluani kommunimi sumiinneq apeqqutaatinnagu akisussaaffinnik agguataarinermi assigiimmik pinnittoqassasoq.

Ilannngussat

Tusarniaanermut akissutinik suliaqarneq

Tusarniaanermi akissutit tiguneqartut

2024-mut Paamiut pillugu tamakkiisumik pilersaarut pillugu siunnersuut

Paamiuni innuttaasunik soqutigisaqaqatigiinnillu ataatsimiisitsinermi suliniutissatut kissaatit suliarineri



2024-mi Paamiut pillugu tamakkiisumik pilersaarutip inaarutaasumik akuersissutigineqarnera

Aalajangiiffigisassaq

SagsID.: EMN-2023-00639

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartormullu Ataatsimiititap Aningaasaqarnermut

Inuussutissarsiornermullu Ataatsimiititamat inassuteqaatigaa:

- 2024-mi Paamiut pillugu tamakkiisumik pilersaarut akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliamik saqqummiineq

2024-mi Paamiut pillugu tamakkiisumik pilersaarut siunnersuutitut sapaatip-akunnerini arfineq-pingasuni tamanut, piffissami 23. aggustimiit – 18. oktobari 2023-mut tusarniaassutigineqarpoq. Piffissami tusarniaaffiusumi tusarniaanermut akissutit ataaseq tiguneqarput, taannalu oqaaseqatigiinnik tunngaviumilluunniit allannguuteqartitsissanngilaq.

Paamiut pillugit 2024-mut Tamakkiisumik Pilersaarummi illoqarfiup ineriartortinnissaani qanoq inuunerup pitsaasup ilanngunneqarnissaa, illoqarfiup pitsaaqutai, unammillernartui, nukissai, periarfissai siunissamilu kissaatit aallaavigalugit ukkatarineqarput. Takornarialerinermi inuussutissarsiornermiluunniit periarfissat uani pilersaarummi allaaserineqarnissaat siunertaanngilaq, illoqarfimmili ulluinnarni inuuneq illoqarfimmilu uummarissuutitsineq qitiutinneqarlutik.

Tamakkiisumik pilersaarummi anguniarneqarput siunissami pilersaarusiortarnissamat siunissamat ungasinnerusumik isigisumik ataatsimoorussamillu isiginnittumut anguniagaapput, aammali suliniutissat tigussaanagerusut ukiuni tulluittuni piviusunngortinneqartussanut naatsorsuutigineqartunut.

Suliniutissat aalajangersimasut, suliniutini immikkoortuni arfinilinni, uku ataanni nassuiaatigineqarput:

- Illoqarfimmi attaveqaatini ukkatarineqarput attaveqaasersuutininik siuarsaanissaq illoqarfimmilu pisuinnarnut aqquutit pitsaanerulersinneqarnissaat
- Aqquutit siunertaraat illoqarfimmik misigisassarsiornermi annerusumik ataqatigiissitsineq kiisalu illoqarfimmik eqqaanilu pinngortitamik naapitsinermik ataqatigiissitsisumik
- Illoqarfiup qeqqa uummaarissoq aqqusinernut tamaani appakaaffinnut biilinullu inissiisarfinnut ataatsimuulersitsissaaq ulluinnarni uninngaarnissamat pinnguarnissamullu kajuminnarluni
- Illoqarfimmi parki ataatsimoortarfissaq illoqarfimmi parkimik nukittorsaataassaaq ulluinnarni issiaartarfinngorlugu annertuunillu pisoqassatillugu katersuuttarfinngorlugu
- Sunngiffik sammisassallu allat eqqarsaatigalugit silami meeqqanut inuusuttunullu sammisassanik pilersitsinermut ukkatarineqassaaq
- Saliineq ingitsigassallu eqqarsaatigalugit pigisanik qimaannakkanik illunillu ingitsigassanik suliaqarneq ukkatarineqassaaq

Suliniutit ukiut sisamat iluini missingersuutini ukiumut 3 millioner koruunit atorlugit piviusunngortinneqarnissaat naatsorsuutigineqarpoq. 2023-mut Missingersuutini akuerisani 2023-



miit 2026-mut sanaartugassanut missingersuutini ukiumut 3 millioner korusut 2024-mut, 2025-mut 2026-mullu tamakkiisumik pilersaarutip piviusunngortinnissaanut immikkoortinneqarput.

Innuttaasunik peqataatitsineq

Tamakkiisumik pilersaarummik marsi 2023-mi suliaqarnermi Paamiuni suliaqartut peqatigalugit innuttaasunik peqataatitsiniarluni arlalinnik ataatsimiisitsisoqarpoq, matumani Najukkami ataatsimiisitaliaq, Inuusutissarsiornermut siunnersuisoqatigiit, Aalisartut Piniartullu Peqatigiiffiat PAPP, Paamiut Katersugaasiviat, Illu sannavik aamma Majoriaq peqataasoralugit. Tusarniaanerup nalaani tamanut ataatsimiisitsisoqarlunilu workshoppertitsisoqarpoq tassunga innuttaasut 40-t missaanniittut takkupput.

Peqataatitsinerup siunertaraa Paamiuni innuttaasut tamakkiisumik pilersaarummut ingerlataqalerlutillu piginneqataanissaat. Ataatsimiisitsinerni tamani tamakkiisumik pilersaarummut pingaaruteqartunik paasissutissanik, isummanik kissaatinillu tunniussuisoqarpoq, taakku nalunaarsuinernut ilaatillugit tamakkiisumik pilersaarutip siunertaanut tassungalu suliniuteqarfissanut tunngavissiisimapput.

Ataatsimiisitsinermi Paamiut siunissami ineriartortinnissaanut siunnersuutit katillugit 152-it tunniunneqarsimapput, taakkunannga siunnersuutit 46-t tamakkiisumik pilersaarummut ilaasussatut akuerineqarlutik. Suliniutitut kissaatit ilanngussaq 2-mi allaaserineqarput.

2024-mi Paamiut pillugu Tamakkiisumik pilersaarutip matuma akuersissutigineqarnerani 2018-imi Paamiut pillugu Tamakkiisumik pilersaarut atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Tamakkiisumik pilersaarummik suliaqarnissami ukioq naallugu suliffiit 1/2 pisariaqartinneqassasut pilersaarusiornermut immikkoortortamit nalilerneqarpoq.

Suliffeqarfimmu Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Siusinnerusukkat aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 28.11.23:

Inassuteqaat imatut oqaaseqaatitalerlugu akuersissutigineqarpoq: Ataatsimiititamit kissaatigineqarpoq bussinik ingerlatsinerup iluani kommunimi sumiinneq apeqqutaatinngalu akisussaaffinnik agguataarinermi assigiimmik pinnittoqassasoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. 2024-mut Paamiut pillugu tamakkiisumik pilersaarut pillugu siunnersuut
4. Paamiuni innuttaasunik soqutigisaqatigiinnillu ataatsimiisitsinermi suliniutissatut kissaatit suliarineri

IMMIKKOORTOQ 18: Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu angusat

Beslutning

Inassuteqaat akuersissutigineqarpoq.

Ilanngussat

Nuup Saava pillugu najoqqutassaq - Akuutitsinerup ingerlanneqarneranit angusat

Immikkoortoq unammisitsinermut tunngasup killeqarfilersornera

Pilersaarutitut qinnuteqaat Orsiivik pillugu suliasamik saqqummiussineq



Nuup Saava nuannarisarput pillugu innuttaasunik akuutitsineq suliallu ingerlaqqinnissaa pillugu angusat

Aalajangiiffigisassaq

SagsID.: EMN-2022-08054

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Illoqarfimmik Ineriartortitsinermut Sanaartormullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- Nuup Saava nuannarisarput pillugu innuttaasunik akuutitsineq pillugu angusat tusaatissatut tiguneqassasoq
- suleriaqqinnissamat siunnersuut akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Nuup Saava nuannarisarput pillugu innuttaasunik akuutitsinermi inernerusut kiisalu suliap ingerlariaqqinnissaa pillugu siunnersuut Sanarfinermut Avatangiisinullu Ingerlatsivimmit matumuuna saqqummiunneqarput.

Innuttaasunik akuutitsinerup tunuliaqutaa

Nuup Saavata eqqaani sumiiffik aamma/imaluunniit Nuutoqqamik taaneqartartoq, oqaluttuarisaanitta ilarujussuanik imaqarpoq, Nuummi takornarianit suli amerliartortunit orninneqassalluni nuannarineqartoq najugaqartuniillu amerlasuunit ullut tamaasa atorneqartarpoq. Sumiiffik inoqartuaannangajaavippoq ukiumoortumillu kulturikkut pisimasoqarfiusarpoq, apummik ilusilersuineq inuiatullu ullorsiorneq ilanngullugit.

Ukiuni kingullerni marlunni Orsiiviup eqqaani immikkoortumi sanaartorfiusussaannngitsumi pilersaarutit qinnuteqaatit arlallit tiguneqarput. Tusarniaanerp ingerlanneqarneranut atatillugu tusarniaanermut akissuteqaatit arlallit aamma atsiornernik katersinerit tiguneqartarsimapput, innuttaasut pilersaarutit siunnersuutigineqartut pillugit naammagittaalliornerannik imallit. Isornartorsiunerit illut annertussusiinut, inissisimaffiinut illuliortaatsikkullu isikkumut tunngassuteqarput. Aammattaarli immikkoortup isikkumisut iinnarnissaanik kissaateqartoqartarpoq, immikkoortoq biilerfiussanngitsoq immikkoortorlu sukisaarsarfittut anersaartorfittullu atorneqassasoq. Tamatuma saniatigut immikkoortoq eqqissisimatinneqartut naatsorsuutigineqartarsimavoq.

Kommunalbestyrelsip ulloq 30.08.2022-mi ataatsimiinnerani immikkoortup Orsiiviup nalaani pilersaarutit siunnersuut politikikkut akuersissutigineqarpoq innuttaasunillu akuutitsineq aallartinneqarpoq paasiumallugu immikkoortup sumut atorneqarnissaa isumaqarfigneqarnersoq. Ingerlatsiviup innuttaasunik akuutitsinermik aallartitsinermi annertuumi suliffeqarfik Inuva suleqatiginarlugu isumaqatigiissuteqarfivaa.

Akuutitsinerup ineriartortinneqarnera

Akuutitsineq ingerlanneqarpoq 2023-mi januaarimiit 2023-mi juulip tungaanut imatullu agguataarsimavoq:

1. Immikkoortumi najugalinnik inuussutissarsiuqartunillu apersuinerit
2. Kommuneqarfiga aqqutigalugu apeqqutinut akisassanut immersuiffik tamanit pineqarsinnaasoq
3. Nuup Saavani (Nuutoqqami katersugaasivik) meeqqat pinngorartitsillutik isumassarsiorinneqarnerannik workshoppeqartitsineq



4. Kommunalbestyrelsip immikkut sammisaqarnera
5. Innuttaasunut siammasissumik nittarsaassineq qulequtaqarluni immikkuualuttunik sammisaqarneq innuttaasunillu ataatsimiititsineq
6. Sammisaaq pillugu eqimattat apersorneqarnerat
7. Nuup Saavani Nuutoqqami katersugaasiviup saavani innuttaasunik akuutitsinerup inernerinik saqqummersitsineq

Akuutitsinerup inenera

Akuutitsiniaaneq ataatsimut isigalugu inernerata takutippaa, immikkoortup sukisaarsarfittut annersaartorfissatullu Nuummi innuttaasunit annerusumik kissaatigineqartoq, tamanna eqqumiitsuliornikkut kulturikkulu pisunik periarfissaqartillugu. Aammattaaq silami nunaminertat sanaartukkanut tulluussarlugit immikkoortumilu sammineqartussanut naleqqussarnerullugit iluarsaanneqarnissaat kissaatigineqarpoq.

Ingerlatsiviup innersuussutaa

Innuttaasunik tamanik akuutitsinerumut uigiullugu ingerlatsiviup innersuussutigivaa, Nuup Saavata ataatsimoortumik pilersaarusiornanarut isumassarsianik ammasumik unammisitsisoqassasooq, tassani kikkut tamarmik immikkoortup qanoq aaqqiivigineqarnissaa pillugu siunnersuuteqarsinnaatillugit. Innuttaasunik akuutitsineq tassanngalu inernerusut unammisitsinissamat tunngaviussapput.

Immikkoortut pingaartinneqartut unammisitsinerumut ilanngullugit

Innuttaasunik akuutitsinerumit inernerusut tunngavigalugit immikkoortut pingaartinneqartut pingaartinneqartut unammisitsinerumut ilanngunneqartussat.

- Oqaluttuarisaanerup ilisarnaataa pitsaassuserlu: Immikkoortup inerisarneqarnera sumiiffiup oqaluttuarisaanerumut ilisarnaatai ataqqillugit pissaaq aamma illuliortaaseq qaffasissumik pitsaassuseqartinneqarluni
- Atortulersuutit attaveqaatillu: Sumiiffimmut sumiiffimiillu attaveqaatit pitsaanerulersinneqassapput. Immikkoortup biilerfigineqannginnissaa erseqqissarneqassaaq biilerfiunnginneranullu killeqarfia tikitsinnagu biilnut uninngasarfissatut periarfissat isumagineqassapput
- Kulturikkut pinngorartitsinermillu misigisassat: Kulturimut tunngasut pinngorartitsinerillu amerlanerusut Nuup Saavanik pitsaanerulersitsissaaq tamannalu kikkunnut tamanut anersaartorfiulluni iluaqutaassaaq
- Ataatsimoorfiit: Nuup Saava ulluinnarni naapittarfiunissaminut kiisalu pisimasunut ataatsimoorfiusinnaasunut tunngaviliisuussaaq
- Imminut attanneqarsinnaasumik ineriartortitsineq: Nuup Saavata inerisarneqarnerani sutigut tamatigut imminut attanneqarsinnaasunik suliniutit ilaatinneqartassapput

Immikkoortog unammisitsinerumi killeqarfiusog

Ingerlatsiviup immikkoortumik unammisitsinissami killeqarfiliussassatut siunnersuutaa ilanngusaaq 2-miippoq, tamannali unammisitsinissamat atortunik suliaqarnerumut atatillugu allannguuteqarsinnaasooq sillimaffigeqquneqarpoq. Nuup Saava pillugu ataatsimoortumik pilersaarut ataatsimoortillugu immikkoortut toqqarneqartut ilanngullugit suliarineqassaaq.



Piffissaliussaq missingersuutillu

Ingerlatsivimmit unammisitsineq ukiup ataatsip ingerlanerani naammassineqarsinnaasoq naatsorsuutigineqarpoq. Unammisitsinissamut tunngasunik suliaqarnissaq qaammatini arfinilinni pissasoq naatsorsuutigineqarpoq naliliisussanillu arlaannaannulluunniit attuumassuteqanngitsunik pilersitsinissaq ilanngullugu; aamma qaammatit arfinillit atorlugit unammisitsinermut siunnersuutiniq nalilersuisarnissamut naggataatigullu isumassarsiat pillugit unammisitsinermi ajugaasoq toqqarneqassaaq.

Unammisitsinermut missingersuutissat 1 million kr.-nik naleqassasoq naatsorsuutigineqarpoq. Taakku unammisitsinissamut atorussat qanoq ilusilersorneqarnissaannut siunnersorteqarnermut, arlaannaannulluunniit attuumassuteqanngitsunik naliliisussanik akissarsiasannullu atorneqassapput. Ingerlatsivimmit misissorneqassaaq aningaasaateqarfiit suliniut pillugu qinnuteqarfigineqarsinnaanersut.

Ingerlatsivimmit aningaasatigut sulisoqarnikkullu naliliinerit

Ingerlatsivimmiit naatsorsuutigineqarpoq isumassarsiat pillugit unammisitsineq 1 million kr.-it missiliorlugit naleqassasoq.

Ingerlatsivimmit oqaatigineqarpoq isumassarsianik unammisitsineq taassumalu annertussusia sulisup ataatsip ukiumi ataatsimi sulineratut naleqassasoq.

Suliffeqarfirmut Kiffartuussivimmit aningaasatigut naliliineq

Oqaaseqaateqartitsisoqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq www.kp.sermersooq.gl

Siusinnerusukkat aalajangiinerit

Illoqarfimmik Ineriartortitsinermut Sanaartormullu Ataatsimiititaq, 28.11.23:
Inassuteqaat akuersissutigineqarpoq.

Ilanngussat

1. Nuup Saava pillugu najoqqutassaq - Akuutitsinerup ingerlanneqarneranit angusat
2. Immikkoortoq unammisitsinermut tunngasup killeqarfilersornera
3. Pilersaarutitut qinnuteqaat Orsiivik pillugu suliasamik saqqummiussineq

IMMIKKOORTOQ 19: USK-imi ASK-imilu atuarfiit siulersuisuisa Atuarfik Inussummi atuarfiup siulersuisuannut ataatsimut utaqqiisaasumik kattunneqarnissaat

Beslutning

Inassuteqaat akuersissutigineqarpoq.

USK-imi ASK-imilu atuariit siulersuisuisa Atuarfik Inussummi atuariup siulersuisuannut ataatsimut utaqqiisaasumik kattunneqarnissaat

Aalajangiiffigisassaq

SagsID.: EMN-2023-04192

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Ilaqutariinnut Atuarfimmullu Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

- ASK-imi USK-imilu atuariit siulersuisuisa Atuarfik Inussummi atuariup siulersuisuannut ataatsimut utaqqiisaasumik kattunneqarnissaat akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Meeqqat atuariat pillugu inatsimmi § 45, imm. 11 naapertorlugu pisumi matumatut ittumerpiaq atuariit marluk amerlanerusulluunniit ataatsimut katinneqarpata, kommunalbestyrelsip aalajangiussinnaavaa, atuarfinni siulersuisunut ilaasortat tamarmik ataatsimoorlutik atuutiinnassasut, ilaasortat ataasiakkaat qinigaaffiisa naanissaasa tungaannut. Angajoqqaat sinniisaat piffissami qinigaaffiusumut ukiunut sisamanut qinerneqartarput, matumanilu ilinniartitsisut atuartullu sinniisaat ukiumut ataatsimut qinigaasarlutik, meeqqat atuariat pillugu inatsimmi § 45, imm 8. innersuussutigalugu.

Nuummi atuariup nutaap, Atuarfik Inussuup, atulersinneqarnissaa USK-ip (Atuarfik Ukaliusaq) ASK-illu (Atuarfik Samuel Kleinschmidt) kattunneratigut pissamat, Meeqqanut Atuarfeqarnermullu Ingerlatsivimmi Atuarfeqarnermut immikkoortortamit kissaatigineqarpoq USK-imi aaamma ASK-imi atuariit siulersuisui utaqqiisaasumik Atuarfik Inussummi atuariup siulersuisuannut kattunneqassasut. Tamanna 2024-mi februarip ulluisa aallaqqaataanni pisussatut kissaatigineqarpoq.

Utaqqiisaasumik atuariup siulersuisui ima inissitsiterneqassapput:

- angajoqqaat sinniisaat qulit, USK-imiit tallimat ASK-imiillu tallimat
- ilinniartitsisut sinniisaat sisamat, USK-imiit marluk ASK-imiillu marluk
- atuartut sinniisaat sisamat, USK-imiit marluk ASK-imiillu marluk

Atuariup siulersuisui ataatsimuulerpatattaq angajoqqaat sinniisaasa quliusut akornanni siulittaasumik nutaamik qinersisoqassaaq.

Atuarfinni marlunni atuariit siulersuisui kattunneqartut angajoqqaat sinniisaasa 2025-imi juulip ulluisa 31-ata tungaanut qinigaaffiusumi ukiuni sisamani sivilissuseqartumi atuutissapput. Tamatuma kingorna Atuarfik Inussummi atuariup siulersuisuisa katitigaanerat Nuummi atuariit allat assigalugit pissapput, tassa imaappoq angajoqqaat sinniisaat tallimat, ilinniartitsisut sinniisaat marluk atuartullu sinniisaat marluk.

Atuariup siulersuisui ataatsimoortut angajoqqaat sinniisaasa qineqqusaaqqinnissaasa tungaannut atuutissammata, ilinniartitsisut atuartullu sinniisaannik ukiumi ataatsimi atuuttartut qaangiuttarnerini pisarnertut nutaamik qinersititsisoqartassaaq.



Utaqqiisaasumik Atuarfiup siulersuisuini ataatsimoortuni Atuarfik Inussummi atuarfiup pisortaa allattaassaaq, aamma USK-imi ASK-imilu atuarfiit aqutsisui pisariaqartitsineq naapertorlugu atuarfiit siulersuisuini ataatsimiittarnissanut aggersarneqartassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Siusinnerusukkut aalajangiinerit

Meeqqanut Ilaqautariinnut Atuarfeqarnermullu Ataatsimiititaq 30.11.23:

Inassuteqaat akuersissutigineqarpoq.

Ilanngussat

Soqanngilaq.

IMMIKKOORTOQ 20: Lukket

IMMIKKOORTOQ 21: Lukket

IMMIKKOORTOQ 22: Lukket

IMMIKKOORTOQ .: Tamalaat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:04.